

መልእክተ : ጳውሎስ : ቀዳማዊ : ኅበ : ሰብአ : ተሰሎንቄ ።

ምዕራፍ : ፩ ፤ ክፍል : ፩ ።

፩ ፤ ጳውሎስ : ወስልዋኖስ : ወጢሞቴዎስ : ለቤተ : ክርስቲያን : ዘተሰ  
 ሎንቄ : በእግዚአብሔር : አቡነ : ወእግዚእነ : ኢየሱስ : ክርስቶስ ። ሰላ  
 ጾ ፤ ም : ለክሙ : ወጸጋ : እግዚአብሔር : አቡነ : ወእግዚእነ : ኢየሱስ : ክርስ  
 ፳ ፤ ቶስ ። ናኦኩቶ : ለእግዚአብሔር : ዘልፈ : በእንቲአክሙ : ወንዜከረክሙ :  
 ፫ ፤ ወትረ : በጸሎትነ ። ወንዜከር : ግብረ : ሃይማኖትክሙ : ወጸማ : ፍቅርክ  
 ፬ ፤ ሙ : ወትዕግሥተ : ተስፋክሙ : በእግዚእነ : ኢየሱስ : ክርስቶስ : በቅድ  
 ፬ ፤ መ : እግዚአብሔር : አቡነ ። ወናአምር : ኦኦኅውዩ : ፍቁራን : ዘከመ : ኅ  
 ፮ ፤ ረዩክሙ : እግዚአብሔር ። እስመ : ኢኮነ : ትምህርትነ : ኅቤክሙ : በነገ  
 ር : በሕቲቱ : ዓዲ : በኅይልኒ : ወበመንፈስ : ቅዱስ : ወበስኢል : ምእመ  
 ን ። ወአንትሙሂ : ታአምሩ : ዘከመ : ኮነ : በኅቤክሙ : በእንቲአክሙ ።  
 ፮ ፤ ወአንትሙሂ : ኪያነ : ተመሰልክሙ ። ወተወከፍክሙ : ቃለ : እግዚእነ :  
 ፯ ፤ በብዙኅ : ሕማም : ምስለ : ፍሥሐ : መንፈስ : ቅዱስ ። ወኮንክምዎሙ :  
 ፰ ፤ ኦርአያ : ለእለ : አምኑ : ነሎሙ : እለ : በመቄዶንያ : ወአካይያ ። እስመ :  
 እምኅቤክሙ : ተምህሩ : ቃለ : እግዚእነ : ወሰምዑ : ወአኮ : በመቄዶንያ :  
 ወአካይያ : በሕቲቱ : ዓዲ : በነሎ : በሐውርት : ተሰምዐት : ሃይማኖትክ  
 ፱ ፤ ሙ : በእግዚአብሔር : ወኢንፈቅድ : ንሕነ : ምንተኒ : ንገግር : በእንቲአ  
 ፲ ፤ ክሙ ። ለሊሆሙ : ያአምሩ : ዘከመ : ቦእነ : ኅቤክሙ : ወዘከመ : ተመዩ  
 ጥክሙ : ኅበ : እግዚአብሔር : እምአምልኮ : ጣዖት : ከመ : ትትቀነዩ : ለ  
 አምላክ : ሕያው : ወጸድቅ ። እንዘ : ትሴፈውዎ : ለወልዱ : እምሰማያት ።  
 ዘአንሥኦ : እሙታን : ኢየሱስ : ወውለቱ : ያድኅነነ : እመንሱት : ዘይ  
 መጽእ ።

ምዕራፍ : ፪ ፤

፩ ፤ ለሊክሙ : ታአምሩ : አኅዊነ : ዘከመ : ገበርነ : ለክሙ : ወኢኮነ :  
 ፳ ፤ በከንቱ ። ዳእሙ : ሐመምነ : ወተጽእልነ : ዘከመ : ታአምሩ : በፊልጵስዩ  
 ስ : ወአሜሃ : ነገርናክሙ : በብዙኅ : ጸማ : ትምህርተ : ክርስቶስ : በሞገ

ሱ : ለአምላክነት ። እስመ ፡ ኢኮነ ፡ ትፍሥሕትነ ፡ ዘስሒት ፡ ወኢዘርዮስ ፡ ፫ ፤  
 ወኢኮነ ፡ ዘጽልሑት ። ዳእመ ፡ በዘአመከረነ ፡ እግዚአብሔር ፡ ወተአመነ ፡ ፬ ፤  
 ነ ፡ በትምህርተ ፡ ወንጌሉ ፡ ከማሁ ፡ ንነግር ። ወአኮ ፡ ከመ ፡ ዘለሰብእ ፡ ያደ  
 ሉ ፡ ዘእንበለ ፡ ለእግዚአብሔር ፡ ዘአመከረነ ፡ ልበነ ። ወእምአመ ፡ ኮነ ፡ ኢ  
 ፭ ፤  
 የዋህናክሙ ፡ በቃል ፡ ከመ ፡ ታአምሩ ፡ ወኢተዐገልናክሙ ፡ በምክንያት ።  
 ስምዕነ ፡ እግዚአብሔር ። ወኢንፈቅድ ፡ ያድሉ ፡ ለነ ፡ ሰብእ ፡ ኢአንትሙ ፡ ፮ ፤  
 ወኢባዕድ ፡ እንዘ ፡ ንክል ፡ አክብዶ ፡ ከመ ፡ ሐዋርያተ ፡ ክርስቶስ ። ዳእ  
 ፯ ፤  
 ሙ ፡ ኮነ ፡ ከመ ፡ ሕፃናት ፡ ማእከሌክሙ ፡ ወከመ ፡ ሐፃኒት ፡ እንተ ፡ ተሐዝ  
 ል ፡ ደቂቃ ። ከማሁ ፡ ንሕነኒ ፡ ናፈቅረክሙ ፡ ወንጽህቅ ፡ ለክሙ ፡ ከመ ፡ ፳ ፤  
 ንመጡክሙ ፡ ወአኮ ፡ በሕቲቶ ፡ ወንጌሉ ፡ እግዚአብሔር ፡ ዓዲ ፡ ነፍሰነሂ ፡  
 እስመ ፡ ፍቁራነ ፡ ከንክሙነ ። ወተዘከሩ ፡ አኅዊነ ፡ ጸማነ ፡ ወስራሐነ ፡ መ  
 ፱ ፤  
 ዐልተ ፡ ወሌሊተ ፡ ኮነ ፡ ንትጌበር ፡ ከመ ፡ ኢናክብድ ፡ ላዕለ ፡ አሐዳሂ ፡ እ  
 ፲ ፤  
 ምውስቴትክሙ ። ወሰበክነ ፡ ለክሙ ፡ ትምህርተ ፡ ወንጌሉ ፡ ለእግዚአብ  
 ፲፫ ፤  
 ሔር ፡ ወለሊክሙ ፡ ሰማዕትነ ፡ ወእግዚአብሔር ፡ ዘከመ ፡ በጽድቅ ፡ ወበር  
 ትዕ ፡ ወበንጽሕ ፡ በኅበ ፡ ዡሉሙ ፡ እለ ፡ የአምኑ ፡ ኮነ ። ዘከመ ፡ ታአም  
 ፲፮ ፤  
 ሩ ፡ ለለአሐዱ ፡ እምውስቴትክሙ ፡ ከመ ፡ አብ ፡ ለወልዱ ፡ ናስተበቀ፡ዐክ  
 ክሙ ፡ ወንናዝዘክሙ ። ወናሰምዕ ፡ ለክሙ ፡ ከመ ፡ ትሑሩ ፡ በዘይደልወክ  
 ፲፯ ፤  
 ሙ ፡ ለኅበ ፡ እግዚአብሔር ፡ ዘጸውዐክሙ ፡ ውስተ ፡ መንግሥተ ፡ ስብሓ  
 ቲሁ ። ክፍል ፡ ፪ ። በእንተዝ ፡ ንሕነሂ ፡ ዘልፈ ፡ ናአኩቶ ፡ ለእግዚአብሔ  
 ፲፱ ፤  
 ር ፡ እስመ ፡ ተወከፍክሙ ፡ ቃለ ፡ ትእዛዙ ፡ ለእግዚአብሔር ፡ ወአኮ ፡ ቃ  
 ለ ፡ ሰብእ ። አላ ፡ አማን ፡ ከማሁ ፡ ቃለ ፡ እግዚአብሔር ። ወይረድአክሙ  
 ሂ ፡ በገቢር ፡ ለእለ ፡ ተአመንክሙ ። ወአንትሙ ፡ አኅዊነ ፡ ተመሰልክሙ ፡ ፲፱ ፤  
 በቤተ ፡ ክርስቲያኑ ፡ ለእግዚአብሔር ፡ እለ ፡ በይሁዳ ፡ በኢየሱስ ፡ ክርስቶ  
 ስ ፡ እስመ ፡ ሐመምክሙ ፡ አንትሙሂ ፡ እምሕዝብክሙ ፡ በከመ ፡ ሐሙ ፡  
 እሙንቱሂ ፡ እምአይሁድ ። እለ ፡ ቀተልዎ ፡ ለእግዚእነ ፡ ኢየሱስ ፡ ወለነ ፲፮ ፤  
 ቢያትሂ ፡ እለ ፡ እምውስቴቶሙ ፡ ሰደድዎሙ ፡ ወከያነሂ ፡ ወኢያምርዎ ፡  
 ለእግዚአብሔር ፡ ወይትቃረኑ ፡ ምስለ ፡ ዡሉ ፡ ሰብእ ። ወይከልኡነ ፡ ኢን ፲፯ ፤  
 ንግር ፡ ለአሕዛብ ፡ በዘየሐይዉ ፡ ከመ ፡ ይትፈጸሞሙ ፡ ኃጢአቶሙ ፡ ለዝ  
 ሉፉ ። ወናሁ ፡ በጽሑሙ ፡ መቅሠፍቶሙ ፡ ዘለግለም ። ወንሕነሰ ፡ አኅዊ ፲፮ ፤  
 ነ ፡ ከመ ፡ እንለ ፡ ማውታ ፡ ኮነ ፡ እምኔክሙ ፡ በዝ ፡ መዋዕል ፡ ለገጽ ፡ ዳእ  
 ሙ ፡ ወአኮስ ፡ እምልብ ፡ ወፈድፋድ ፡ ጽህቅነ ፡ ንርአይ ፡ ገጸክሙ ። ወበዙ ፲፮ ፤  
 ኅ ፡ ፈቀድኩ ፡ እምጻእ ፡ ኅቤክሙ ፡ ለልየ ፡ ጳውሎስ ፡ ምዕረ ፡ ወካዕበ ፡ ወ  
 አዕቀፈኒ ፡ ሰይጣን ። መኑ ፡ ተስፋነ ፡ ወፍሥሐነ ፡ ወአክሊለ ፡ ምክሕነ ፡ አ ፲፱ ፤

ከነ : አንትሙ : ለቅድመ : እግዚእነ : ኢየሱስ : ክርስቶስ : በምጽአቱ ።  
፩ : እስመ : አንትሙ : ክብርነ : ወፍሥሐነ ።

ምዕራፍ : ፫ ፤

፩ ፤ ወስኢነ : ተዐግሦ : አብደርነ : ንንበር : አቴና : ባሕቲትነ ። ወፈነ  
ውናሁ : ለጢሞቴዎስ : አጎነ : ላእከ : እግዚአብሔር : ወረድኤትነ : በት  
ምሀርተ : ክርስቶስ ። ከመ : ያጽንዕክሙ : ወያስተብቀሳዕክሙ : በእንተ :  
፫ ፤ ሃይማኖትክሙ ። ከመ : ኢታንቀልቅሉ : ወኢይቅበጽ : አሐዳሂ : እምው  
ስቲትክሙ : በዛቲ : ሕማምክሙ ። ታኦምሩ : ለሊክሙ : ከመ : ዝንቱ :  
፬ ፤ ዳእሙ : ይጸንሐነ ። ወአመ : ሀሎኩ : ጎቤክሙ : ዘንተ : ከመ : አቅደም  
ኩ : ወነገርኩክሙ : ከመ : ሀለውነ : ንሕምም : ወይሳቅዩነ ። ወበከመ : አ  
፭ ፤ እመርክሙ : ኮነ : ውኦቱ ። ወበእንተዝ : አነሂ : ስኢንዩ : ተዐግሦ : ፈነ  
ውኩ : ከመ : አእምር : ሃይማኖተክሙ : እመቦ : ከመ : አመከረክሙ : ዘያ  
፮ ፤ ሚክር : ወለከንቱ : ይከውን : ጻማነ ። ወይእዜሰ : እምአመ : በጽሐ : ጢ  
ሞቴዎስ : ጎቤነ : እምጎቤክሙ : ወዜነወነ : ሃይማኖተክሙ : ወተፋቅሮተ  
ከሙ : ወከመሂ : ትዜከሩነ : በሠናይ : ዘልፈ : ወትፈትወ : ትርአዩነ : በከ  
፯ ፤ መ : ንፈቱ : ንሕነሂ : ርእዮተክሙ ። በእንተዝ : ተፈሳሕነ : አኅዊነ : በእ  
፰ ፤ ንተ : ኩሉ : ሕማምነ : ወምንዳቤነ : ዘበእንተ : ሃይማኖትክሙ ። እስመ :  
፱ ፤ ይእዜ : ነሐዩ : እምከመ : አንትሙ : ቆምክሙ : በእግዚእነ ። አዩ : አኩ  
ቴተ : ንክል : ዐሥዮቶ : ለእግዚአብሔር : ሀዩንተ : ኩሉ : ፍሥሐነ : ዘተ  
፲ ፤ ፈሳሕነ : በእንቲአክሙ : በቅድመ : አምላክነ : መዐልተ : ወሌሊተ ። ወፈ  
ድፋደሰ : ንጹሊ : ከመ : ንርአይ : ገጸክሙ : ወይትፈጸም : ሕጸጸ : ሃይማ  
፲፩ ፤ ኖትክሙ ። ወእግዚአብሔር : አቡነ : ወእግዚእነ : ኢየሱስ : ክርስቶስ : ያ  
፲፪ ፤ ርትዕ : ፍኖተነ : ጎቤክሙ ። ወለክሙሂ : ያብዝኅ : እግዚእነ : ወያፈድፍ  
ድ : ተፋቅሮተክሙ : በበይናቲክሙ : ወምስለ : ኩሉ : በከመ : ንሕነ : ና  
፲፫ ፤ ፈቅረክሙ : ለክሙ ። ወይጽናዕ : ልብክሙ : በንጽሕ : ወበቅድሳት : ለቅ  
ድመ : እግዚአብሔር : አቡነ : አመ : ምጽአቱ : እግዚእነ : ኢየሱስ : ክር  
ስቶስ : ምስለ : ኩሉ : ቅዱሳኑ ።

ምዕራፍ : ፬ ፤ ክፍል : ፫ ፤

፩ ፤ ወይእዜነ : አኅዊነ : ንነግረክሙ : ወናስተብቀሳዕክሙ : በእግዚእነ :  
ኢየሱስ : ክርስቶስ : ከመ : ተአዘዝክሙ : በጎቤነ : በዘይደሉ : ከመ : ት

ሑሩ : ወታሥምርዎ : ለእግዚአብሔር : ወበከመ : ሐርክሙ : ዓዲ : ከመ :  
ታብዝኑ : ወታፈድፍዱ : በዝንቱ :: ወታአምሩ : ዘከመ : አዘዝናክሙ : ፳፻  
በእግዚእነ : ኢየሱስ :: እስመ : ዝውእቱ : ትእዛዙ : ለእግዚአብሔር : ወ  
ፈቃዱ : ተቀድሶትክሙ : ውእቱ :: ወከመ : ትትዓቀቡ : ወትርሐቱ : እም  
ዝሙት :: ወከመ : ያእምር : ነሉ : ለለከሐዱ : ንዋዮ : ወያጥርዮ : በቅድ  
ሳት : ወክብር :: ወኢትትመንሰዉ : በፍትወት : ከመ : አረሚ : እለ : ኢያ  
አምርዎ : ለእግዚአብሔር :: ወኢትትዐበዩ : ወኢትትዐገሉ : ቢጸክሙ : በ  
ነሉ : እስመ : መስተበቅል : እግዚአብሔር : በእንተ : ዝንቱ : ነሉ : በከ  
መ : አቅደምኩ : ነጊርተክሙ : ወአስማዕኩ : ለክሙ :: እስመ : ኢጸውዐ  
ነ : እግዚአብሔር : ለርነሱ : ዘእንበለ : ለቅድሳት :: ወይእዜኒ : ዘክሕደሰ :  
አኮ : ለሰብእ : ዘይክሕድ : ዘእንበለ : ለእግዚአብሔር : ዘወሀበክሙ : መን  
ፈሰ : ቅዱሰ :: ወበእንተሰ : አፍቅሮ : ቢጽክሙ : ኢትፈቅዱ : ንጽሐፍ :  
ለክሙ : ለሊክሙ : ምሁራን : በኅበ : እግዚአብሔር : ከመ : ትትፋቀሩ :  
በበይናቲክሙ :: ወከማሁ : ትገብሩ : ዓዲ : ምስለ : ነሉ : አኅዊነ : እለ :  
በነሉ : መቄዶንያ : ወናስተበቅሎክሙ : አኅዊነ : ትብዝኑ : ወትፈድፍ  
ዱ :: ከመ : ትኩኑ : የዋሃነ : ወትትገበሩ : ተግባረክሙ : ወትትቀነዩ : በእ  
ደዊክሙ : ዘከመ : አዘዝናክሙ :: ከመ : ትሑሩ : በኒሩት : ለኅበ : እለ :  
አፍአ :: ወኢትጽሀቁ : ወኢኅበ : መኑሂ :: ክፍል : ፬ :: ወንፈቅድ : ታእም  
ሩ : አኅዊነ : በእንተ : እለ : ናሙ : ከመ : ኢትተክዙ : በላዕሌሆሙ : ከ  
መ : ሰብእ : እለ : ቅቡጻን : ተስፋሆሙ :: ወእምከመሰ : ንትአመን : ከመ :  
ሞተ : ክርስቶስ : ወተንሥአ : ከማሁ : ያነሥአሙ : እግዚአብሔር : ለም  
ውታን : በኢየሱስ : ወያመጽአሙ : ምስሌሁ :: ወዘንተ : ንነግረክሙ : በ  
ቃለ : እግዚአብሔር : ንሕነ : ሕያዋን : እለ : ንተርፍ : አመ : ምጽአተ :  
እግዚእነ : ኢንበጽሖሙ : ለምውታን :: እስመ : ይወርድ : እግዚእነ : አ  
ምሰማይ : በትእዛዝ : ወበቃለ : ሊቀ : መላእክት : ወንፍኅተ : ቀርን : ዘእ  
ግዚአብሔር : ወይትነሥኡ : ምውታን : መቅድመ : እለ : ሞቱ : በክርስ  
ቶስ :: ወእምዝ : ንሕነ : እለ : ሕያዋን : እለ : ንተርፍ : ንትመሠጥ : በደመ  
ና : ምስሌሆሙ : ኅቡረ : ከመ : ንትቀበሎ : ለእግዚእነ : ውስተ : አየር :  
ወንሄሉ : እንከ : ዘልፈ : ኅበ : እግዚእነ :: ወይእዜኒ : መሀሩ : ቢጸክሙ :  
ዘንተ : ነገረ ::

ምዕራፍ : ፭

፩ ፡ ወበእንተሰ ፡ ዕድሜሁ ፡ ወዕለቱ ፡ አኅዊነ ፡ ኢትፈቅዱ ፡ ንጽሐፍ ፡  
 ፪ ፡ ለክሙ ፡ ለሊክሙ ፡ ታአምሩ ፡ ጥዩቀ ፡ ከመ ፡ ዕለተ ፡ እግዚእነ ፡ ከመ ፡ ሰ  
 ፫ ፡ ራቂ ፡ ሌሊተ ፡ ከማሁ ፡ ትመጽእ ፡ ስመ ፡ ይብሉ ፡ ዳኅን ፡ ወሰላም ፡ ወሀዩ ፡  
 ፬ ፡ ግብተ ፡ ይመጽአሙ ፡ ተሠርዎ ፡ ከመ ፡ ፅንሰት ፡ እንተ ፡ ይመጽአ ፡ ማሕም  
 ፭ ፡ ም ፡ ወኢይክሉ ፡ አምስጦ ፡ ወአንትሙሰ ፡ አኅዊነ ፡ ኢኮንክሙ ፡ ውስተ ፡  
 ፮ ፡ ጽልመት ፡ ከመ ፡ ትርከብክሙ ፡ ይእቲ ፡ ዕለት ፡ ከመ ፡ ሰራቂ ፡ ስሰመ ፡ ከ  
 ፯ ፡ ልክሙ ፡ ውሉደ ፡ ብርሃን ፡ አንትሙ ፡ ወውሉደ ፡ መዐልት ፡ ወኢኮንክ  
 ፰ ፡ ሙ ፡ ውሉደ ፡ ሌሊት ፡ ወኢውሉደ ፡ ጽልመት ፡ ወኢንኑም ፡ እንከ ፡ ከ  
 ፱ ፡ መ ፡ እልኩ ፡ አላ ፡ ንንቃሀ ፡ ወንትጋሀ ፡ ወንጥብብ ፡ ስሰመ ፡ አለ ፡ ይነው  
 ፲ ፡ ሙ ፡ ሌሊተ ፡ ይነውሙ ፡ ወእለሂ ፡ ይሰክሩ ፡ ሌሊተ ፡ ይሰክሩ ፡ ወንሕነሰ ፡  
 ፲፩ ፡ እንዘ ፡ ውሉደ ፡ መዐልት ፡ ንሕነ ፡ ንንቃሀ ፡ ወንልበስ ፡ ልብሰ ፡ ኅጺን ፡ በ  
 ፲፪ ፡ ሃይማኖት ፡ ወበተፋቅሮ ፡ ወንትቀጸል ፡ ጌራ ፡ መድኃኒት ፡ ዘተስፋ ፡ ስሰ  
 ፲፫ ፡ መ ፡ ኢረሰዩነ ፡ እግዚአብሔር ፡ ለመንሱት ፡ ዘእንበለ ፡ ለሕይወት ፡ ወለ  
 ፲፬ ፡ መድኃኒት ፡ በእግዚእነ ፡ ኢዩሲስ ፡ ክርስቶስ ፡ ዘሞተ ፡ ለነ ፡ ቤዛነ ፡ ከ  
 ፲፭ ፡ መ ፡ እመኒ ፡ ንቁሃን ፡ ንሕነ ፡ ወእመኒ ፡ ንውማን ፡ ምስሌሁ ፡ ንሕዩው ፡  
 ፲፮ ፡ ከፍል ፡ ፬ ፡ ወይእዜኒ ፡ አስተፍሥሑ ፡ በጸክሙ ፡ በእንተዝ ፡ ወይሕን  
 ፲፯ ፡ ጽ ፡ አሐዱ ፡ ካልአ ፡ ዘከመ ፡ ትገብሩ ፡ ዓዲ ፡ ወናስተበቀዕክሙ ፡ አኅ  
 ፲፰ ፡ ዊነ ፡ ዑቅምሙ ፡ ለእለ ፡ ይጸምዉ ፡ በውስቴትክሙ ፡ ወለእለ ፡ ይቀው  
 ፲፱ ፡ ሙ ፡ ለክሙ ፡ በእግዚእነ ፡ ወይሚህሩክሙ ፡ አክብርዎሙ ፡ ፈድፋደ ፡  
 ፳ ፡ ወአፍቅርዎሙ ፡ በእንተ ፡ ምግባርሙ ፡ ወተአምሳዎሙ ፡ ወናስተበቀ  
 ፳፩ ፡ ዐክሙ ፡ አኅዊነ ፡ ገሥጽዎሙ ፡ ለዝሉፋን ፡ ናዝዝዎሙ ፡ ለሕዙፍን ፡  
 ፳፪ ፡ ጸርዎሙ ፡ ለድኩማን ፡ ወተግገሡ ፡ ላዕለ ፡ ከሉ ፡ ዑቁ ፡ ኢትግባሩ ፡  
 ፳፫ ፡ እኩዩ ፡ ህዩንተ ፡ እኪት ፡ አላ ፡ ተባደሩ ፡ ዘልፈ ፡ ለሠናይ ፡ በበይናቲክ  
 ፳፬ ፡ ሙ ፡ ወለከሉ ፡ ተፈሥሑ ፡ በከሉ ፡ ጊዜ ፡ ወጸልዩ ፡ ወትረ ፡ አእከ  
 ፳፭ ፡ ቱ ፡ በከሉ ፡ ስሰመ ፡ ዝውእቱ ፡ ፈቃዱ ፡ ለእግዚአብሔር ፡ በእንቲአክ  
 ፳፮ ፡ ሙ ፡ በኢዩሲስ ፡ ክርስቶስ ፡ መንፈሰ ፡ ኢታጥፍኩ ፡ ወተነብዮ ፡ ኢት  
 ፳፯ ፡ መንኑ ፡ ወከሎ ፡ አመክሩ ፡ ወዘሠናይ ፡ አጽንዑ ፡ ወተገሐሡ ፡ እምከ  
 ፳፰ ፡ ሉ ፡ ምግባር ፡ እኩይ ፡ ወእግዚአብሔር ፡ አምላክ ፡ ሰላም ፡ ይቀድስክ  
 ፳፱ ፡ ሙ ፡ ፍጹመ ፡ ወያጥዲክሙ ፡ ነፍሰክሙ ፡ ወመንፈሰክሙ ፡ ወሥጋክሙ ፡  
 ፴፬ ፡ በንጽሕ ፡ ለምጽአተ ፡ እግዚእነ ፡ ኢዩሲስ ፡ ክርስቶስ ፡ ወዘጸውዐክሙ ፡  
 ፴፭ ፡ ጸድቅ ፡ ውእቱ ፡ ይግባር ፡ ዘንተ ፡ ኦአኅዊነ ፡ ጸልዩ ፡ ለነ ፡ አምኑ ፡ ከ

ሎ : አኅዌነ : በአምኃ : ቅድሳት :: አምሕለክሙ : በእግዚእነ : ታንብብ ፳፮ ፤  
ዋ : ለዛቲ : መጽሐፍ : ላዕለ : ዙሉ : አኅዌነ : ቅዱሳን :: ጸጋሁ : ለእግዚ ፳፯ ፤  
እነ : ኢየሱስ : ክርስቶስ : ምስሌክሙ :: አሜን ።

ተፈጸመ : መልእክት : ቀዳማዊ : ኅበ : ሰብአ : ተሰሎንቄ : ወተጽሕፈ : በ  
አቴና : ወተፈነወ : ምስለ : ጠ.ሞቴዎስ : ወስልዋኖስ ። ።

መልእክተ ፡ ጳውሎስ ፡ ካልእ ፡ ኅበ ፡ ሰብእ ፡ ተሰሎንቄ ።

ምዕራፍ ፡ ፩ ፤ ክፍል ፡ ፩ ፤

፩ ፡ ጳውሎስ ፡ ወስልዋኖስ ፡ ወጢሞቴዎስ ፡ ለቤተ ፡ ክርስቲያን ፡ ዘተላ  
 ፪ ፡ ሎንቄ ፡ በእግዚአብሔር ፡ አቡነ ፡ ወእግዚእነ ፡ ኢየሱስ ፡ ክርስቶስ ። ሰላ  
 ፫ ፡ ም ፡ ለክሙ ፡ ወጸጋ ፡ እግዚአብሔር ፡ አቡነ ፡ ወእግዚእነ ፡ ኢየሱስ ፡ ክርስ  
 ፬ ፡ ቶስ ። ርቱዕ ፡ ናእኩቶ ፡ ለእግዚአብሔር ፡ በኩሉ ፡ ጊዜ ፡ በእንቲአክሙ ፡  
 ፭ ፡ አኅዊን ፡ በከመ ፡ ይደልዎ ፡ እስመ ፡ ዐብየት ፡ ሃይማኖትክሙ ፡ ወፈድፈደ  
 ፮ ፡ ት ፡ ተፋቅሮትክሙ ፡ ምስለ ፡ ቢጽክሙ ፡ ኩሉ ። ከመ ፡ ንሕነኒ ፡ ንትመክ  
 ፯ ፡ ሕ ፡ ብክሙ ፡ በቤተ ፡ ክርስቲያናቲሁ ፡ ለእግዚአብሔር ፡ በእንተ ፡ ሃይማ  
 ፲ ፡ ኖትክሙ ፡ ወትዕግሥትክሙ ፡ በሕማምክሙ ፡ ወምንዳቤክሙ ፡ ዘትትዔን  
 ፷ ፡ ሠ ። ከመ ፡ ታርእዩ ፡ ኩነኔ ፡ ጽድቁ ፡ ለእግዚአብሔር ፡ ከመ ፡ ይክፍልክ  
 ፳ ፡ ሙ ፡ መንግሥተ ፡ እግዚአብሔር ፡ ዘበእንቲአሁ ፡ ተሐምሙ ። ወርቱዕስ ፡  
 ፳፩ ፡ ይትፈደዩ ፡ በኅበ ፡ እግዚአብሔር ፡ ሕማመ ፡ እለ ፡ ያሐምሙክሙ ። ወለ  
 ፳፪ ፡ ክሙ ፡ ለእለ ፡ ተሐምሙ ፡ ዕረፍተ ፡ ምስሌነ ። በምጽአቱ ፡ ለእግዚእነ ፡  
 ፳፫ ፡ ኢየሱስ ፡ ክርስቶስ ፡ እምሰማያት ፡ ምስለ ፡ መላእክተ ፡ ኅይሉ ። ከመ ፡ ይ  
 ፳፬ ፡ ትበቀሉሙ ፡ በነደ ፡ እሳት ፡ ለእለ ፡ ኢያኦምርዎ ፡ ለእግዚአብሔር ፡ ወለእ  
 ፳፭ ፡ ለ ፡ ኢይሰምፁ ፡ ትምህርተ ፡ ወንጌሉ ፡ ለእግዚእነ ፡ ኢየሱስ ፡ ክርስቶስ ።  
 ፳፮ ፡ ወይረከቡ ፡ ፍዳሆሙ ፡ ተሠርዎ ፡ ዘለዓለም ፡ እምቅድመ ፡ ገጹ ፡ ለእግዚእ  
 ፳፯ ፡ ነ ፡ ወእምስብሐተ ፡ ኅይሉ ። አመ ፡ ይመጽእ ፡ ይሰባሕ ፡ በቅዱሳኒሁ ፡ ወይ  
 ፳፰ ፡ ትአኩት ፡ በእለ ፡ ዩኦምኑ ፡ ቦቱ ። እስመ ፡ ተአመነነ ፡ ስምዕነ ፡ በላዕሌክ  
 ፳፱ ፡ ሙ ፡ በይእቲ ፡ ዕለት ። ወበእንተዝ ፡ እጼሊ ፡ ዘልፈ ፡ በእንቲአክሙ ፡ ከ  
 ፴ ፡ መ ፡ ይክፍልክሙ ፡ ለዘጸውዐክሙ ፡ እግዚአብሔር ፡ ወይፈጽም ፡ ለክሙ ፡  
 ፴፩ ፡ ኩሉ ፡ ሣህሎ ፡ ወሠናይቶ ፡ ወምግባረ ፡ ሃይማኖት ፡ በኅይሉ ። ከመ ፡ ይሰ  
 ፴፪ ፡ ባሕ ፡ ስሙ ፡ ለእግዚእነ ፡ ኢየሱስ ፡ ክርስቶስ ፡ በላዕሌክሙ ፡ ወእንትሙ  
 ፴፫ ፡ ሂ ፡ ቦቱ ፡ በከመ ፡ ጸጋሁ ፡ ለአምላክነ ፡ ወእግዚእነ ፡ ኢየሱስ ፡ ክርስቶስ ፡  
 ወእንትሙሂ ፡ ተሀልጢ ፡ ቦቱ ።

ምዕራፍ : ፪ ፤ ክፍል : ፪ ፤

ንነግረክሙ : አኅዊን : በእንተ : ምጽአተ : እግዚእነ : ኢየሱስ : ክ ፮ ፤  
 ርስቶስ ። ወአንትሙሂ : ውስተ : ማኅበሩ ። ዑቁ : ኢየደንግዕክሙ : ፍጡ ፫ ፤  
 ነ : ኢትትሀወኩ : እምአእምሮ : ወኢበመንፈስ : ወኢበነገረ : ወኢበመ ፬ ፤  
 ጽሐፍ : ከመ : ዘእምኅቤን : ለእመ : ትመጽእ : ዕለተ : እግዚእነ ። አልቦ : ፭ ፤  
 ዘያስሐትክሙ : ወኢምንተኒ ። ለእመ : አቅደመ : መጸአ : ዘየሀውክ : ወ ፮ ፤  
 ይትከሠት : ብእሴ : ዐመፃ : ወልደ : ሕርትምና ። ዐላዊ : ዘያዐቢ : ርእሶ : ፯ ፤  
 ወይብል : ለኩሉ : አነ : ውእቱ : እግዚአብሔር : አምላክ : ወይነብር : በ ፰ ፤  
 ቤተ : እግዚአብሔር : ወይሬሲ : ርእሶ : ከመ : እግዚአብሔር ። ኢትዜክ ፱ ፤  
 ሩኑ : ከመ : አመ : ሀለኩ : ኅቤክሙ : ነገርኩክሙ : ዘንተ ። ወይእዜኒ : ፳ ፤  
 ታአምሩ : ዘይከልአ : አስተርእዮ : እስከ : ይበጽሕ : ዕድሜሁ ። እስመ : ፳፩ ፤  
 እከየ : ምክረ : ኃጢአት : ወድአ : ይትገበር : በላዕሌሁ ። ወዳእሙ : ይእ ፳፪ ፤  
 ዜሰ : እኩዝ ። ዘይከልአ : እስከ : ይትኅደግ : እማእከል ። ወይእተ : አማ ፳፫ ፤  
 ረ : ይትከሠት : ወልደ : ዐመፃ : ኃጥእ : ዘሀለዎ : ያጥፍአ : መንፈሱ : ለእ ፳፬ ፤  
 ግዚእነ : ኢየሱስ : ወይስዕሮ : በአስተርእዮተ : ምጽአቱ ። ወምጽአቱሰ : ፳፭ ፤  
 ለዝንቱ : በኅይለ : ሰይጣን : በኩሉ : ኅይል : ወትእምርት : ወመንክር : ዘ ፳፮ ፤  
 ሐሰት ። ወበኩሉ : አስሐቶ : ዘኃጢአት : ለሕርቱማን : እስመ : ኢተወክ ፳፯ ፤  
 ፉ : ፍቅረ : ጽድቅ : በዘየሐይወ : ። ወበእንተዝ : ይፌኑ : ሎሙ : እግዚአ ፳፰ ፤  
 ብሔር : ኅይለ : መስሐተ : ከመ : ይእመኑ : በሐሰት ። ከመ : ይትኩነኑ : ፳፱ ፤  
 ኩሎሙ : እለ : ኢየኦምኑ : በጽድቅ : ወየኅብሩ : በዐመፃ ። ወንሕነሰ : አ ፴ ፤  
 ኅዊን : ርቱዕ : ናእኩቶ : ለእግዚአብሔር : ዘልፈ : በእንቲኦክሙ : እለ : አ ፴፩ ፤  
 ፍቀረክሙ : እግዚአብሔር ። እስመ : ኅረየክሙ : ወተሃሀለክሙ : እግዚ ፴፪ ፤  
 ኦብሔር : ርእሰ : ሕይወት : በተቀድሶ : መንፈስ : ወበሃይማኖተ : ጽድቅ ። ፴፫ ፤  
 ዘበእንቲአሁ : ጸውዐክሙ : በትምህርተ : ወንጌል ። ከመ : ትሕየወ : በስ ፴፬ ፤  
 ብሐቲሁ : ለእግዚእነ : ኢየሱስ : ክርስቶስ ። ወይእዜኒ : አኅዊን : ቁሙ : ፴፭ ፤  
 ወዕቀቡ : ትእዛዘ : ዘመሀሩክሙ : ወሠርዑክሙ : ዘበቃልነ : ወዘበመጽሐ ፴፮ ፤  
 ፍን ። ወውእቱ : እግዚእነ : ኢየሱስ : ክርስቶስ : ወእግዚአብሔር : አቡ ፴፯ ፤  
 ነ : ዘአፍቀረን : ወወሀበነ : ፍሥሐ : ዘለዓለም : ወተስፋ : ሠናየ : ጸጋሁ ። ፴፰ ፤  
 ውእቱ : ያስተፍሥሕክሙ : ልበክሙ : ወያጽንዕክሙ : በኩሉ : ምግባር : ፴፱ ፤  
 ወበኩሉ : ቃል : ሠናይ ።



ምዕራፍ ፡ ፫ ፤ ክፍል ፡ ፫ ፤

፩ ፡ ወይእዜኒ ፡ አኅዊን ፡ ጸልዩ ፡ ለነ ፡ ከመ ፡ ይሩጽ ፡ ቃለ ፡ እግዚአብሔር ፡  
 ፪ ፡ ወይሰባሕ ፡ በከመ ፡ በኅቤክሙ ። ወከመ ፡ ንድኅን ፡ እምሰብእ ፡ እኩያን ፡  
 ፫ ፡ ወዐላውያን ፡ እስመ ፡ አክ ፡ ነሉ ፡ ዘየአምን ። ወማእመንሰ ፡ እግዚአብሔር ፡  
 ፬ ፡ ር ፡ ዘያጸንዐክሙ ፡ ወየዐቅቦክሙ ፡ እምነሉ ፡ እኩይ ። ንትአመንክሙ ፡ ም  
 ፭ ፡ ስለ ፡ እግዚአብሔር ፡ ከመ ፡ ትግበሩ ፡ ዘአዘዝናክሙ ፡ ወገበርክሙሂ ። ወእ  
 ፮ ፡ ግዚእነ ፡ ያርትዕ ፡ ልበክሙ ፡ ውስተ ፡ ፍቅረ ፡ እግዚአብሔር ፡ ወውስተ ፡  
 ፯ ፡ ተስፋሁ ፡ ለክርስቶስ ። ክፍል ፡ ፬ ፤ አኅዊን ፡ ንኤዝዘክሙ ፡ በስመ ፡ እግዚ  
 ፰ ፡ እነ ፡ ኢየሱስ ፡ ክርስቶስ ፡ ተገሐሥዎሙ ፡ ለነሉሙ ፡ ቢጽ ፡ እለ ፡ የሐው  
 ፱ ፡ ፋ ፡ በትምይንት ፡ ወአክ ፡ በሥርዐት ፡ ዘሠራዕናሆሙ ። ለሊክሙ ፡ ታአም  
 ፳ ፡ ፋ ፡ ከመ ፡ ርቱዕ ፡ ትትመሰሉነ ፡ ከመ ፡ ኢሠሣዕነ ፡ ላዕሌክሙ ። ወኢበላዕ  
 ፳፩ ፡ ነ ፡ እክለ ፡ ባዕድ ፡ በከንቱ ፡ ዘእንበለ ፡ ዳእሙ ፡ ዘንጸሙ ፡ ወንሰርሕ ፡ መዐ  
 ፳፪ ፡ ልተ ፡ ወሌሊተ ፡ ወንትጊበር ፡ ከመ ፡ ኢናክብድ ፡ ላዕሌክሙ ። ወአከሰ ፡ ኢ  
 ፳፫ ፡ ከነ ፡ ብውሓነ ፡ ዳእሙ ፡ አርአያ ፡ ከመ ፡ ንኩንክሙ ፡ ከመ ፡ አንትሙ ፡ ትት  
 ፳፬ ፡ መሰሉነ ። ወአመሂ ፡ ሀለውኩ ፡ ኅቤክሙ ፡ ዘንተ ፡ አዘዝኩክሙ ፡ ዘኢይፈ  
 ፳፭ ፡ ቅድ ፡ ይትቀነይ ፡ ኢይሴሰይ ። ሰማዕነ ፡ ከመሶ ፡ እምውስቲትክሙ ፡ እለ ፡ የ  
 ፳፮ ፡ ሐውሩ ፡ በሁከት ፡ ወአልቦ ፡ ዘይትቀነዩ ፡ ዓዲ ፡ መስተሐውራን ። ወለእለ ፡  
 ፳፯ ፡ ከመዝ ፡ ንኤዝዘሙ ፡ ወንጌሥጸሙ ፡ በስመ ፡ እግዚእነ ፡ ኢየሱስ ፡ ክርስቶስ ፡  
 ፳፰ ፡ በጽምው ፡ ይትገበሩ ፡ ተግባርሙ ፡ ወይሴሰይ ፡ ሲሳዩሙ ። ወአንትሙሂ ፡ አ  
 ፳፱ ፡ ኅዊን ፡ ኢትትሀከዩ ፡ ገቢረ ፡ ሠናይ ። ወእመሶ ፡ ዘኢይትኤዝዝ ፡ ለቃልክሙ ፡  
 ፳፻ ፡ ወለመጽሐፍ ፡ ይትፈለጥ ፡ ወኢትትሀወልዎ ፡ ከመ ፡ ይትኅፈር ። ወከመሰ ፡  
 ፳፻፩ ፡ ጸላኢ ፡ ኢትረስይዎ ፡ አላ ፡ ገሥጽዎ ፡ ከመ ፡ እኑክሙ ። ወውእቱ ፡ አምላ  
 ፳፻፪ ፡ ከ ፡ ሰላም ፡ የሀብክሙ ፡ ሰላመ ፡ በነሉ ፡ ጊዜ ፡ ወበነሉ ፡ ግብር ። ወእግዚእነ ፡  
 ፳፻፫ ፡ የሀሉ ፡ ምስለ ፡ ነሉክሙ ። ዘንተ ፡ አምኃ ፡ ጸሐፍኩ ፡ በእደዩ ፡ አነ ፡ ጳውሎ  
 ፳፻፬ ፡ ሰ ፡ ወዝንቱ ፡ ትእምርትየ ፡ ውስተ ፡ ነሉ ፡ መጻሕፍትየ ። ከመዝ ፡ እጽሕፍ ።  
 ፳፻፭ ፡ ጸጋሁ ፡ ለእግዚእነ ፡ ኢየሱስ ፡ ክርስቶስ ፡ የሀሉ ፡ ምስለ ፡ ነሉክሙ ፡ አሜን ።

ተፈጸመ ፡ ካልእ ፡ መልእክት ፡ ኅበ ፡ ሰብእ ፡ ተሰሎንቄ ። ወተጽሕፈ ፡ በሎ  
 ዲቅያ ፡ ወተፈነወ ፡ በእደ ፡ ቲኪቆስ ። ።

መልእክተ : ጳውሎስ : ቀዳማዊ : ኅበ : ጢሞቴዎስ ።

ምዕራፍ : ፩ ፤ ክፍል : ፩ ፤

ጳውሎስ : ሐዋርያሁ : ለኢየሱስ : ክርስቶስ : በትእዛዝ : እግዚአብሔ ፮ ፤  
 ር : መድኅኒነ : ወኢየሱስ : ክርስቶስ : ተስፋነ ። ለጢሞቴዎስ : ወልድየ : ፮ ፤  
 ዘአፈቅር : በሃይማኖት ። ሰላም : ለክ : ወሣህል : ወጸጋሁ : ለእግዚአብሔ ፮ ፤  
 ር : አቡነ : ወእግዚእነ : ኢየሱስ : ክርስቶስ ። በከመ : አስተብቋዕኩክ : ት ፫ ፤  
 ንበር : ኤፌሶን : አመ : አሐውር : መቄዶንያ : ከመ : ትገሥጸሙ : ከመ :  
 ኢያምጽኡ : ካልአ : ትምህርተ ። ወኢያምጽኡ : መኃድምተ : ወዘውዐ : ፬ ፤  
 ነገር : ዘይፈጥሩ : በዘያስሕቱ : ወያመጽኡ : ተኃሥሦ : ወየኅድጉ : ሕገ :  
 እግዚአብሔር : ዘበሃይማኖት ። ወማኅለቅቱሰ : ለትእዛዝ : ተፋቅሮ : በን ፭ ፤  
 ጸሕ : ልብ : ወበሠናይ : ግዕዝ : ወሃይማኖት : ዘአልቦ : ኑፋቄ ። እስመቦ : ፮ ፤  
 አለ : አውከኩ : ወገብኡ : ውስተ : ነገረ : ከንቱ ። ወእንዘ : ይፈቅዱ : መ ፯ ፤  
 ምህራነ : ይኩኑ : ኢያአምሩ : ዘለሊሆሙ : ይነቡ ። ናአምር : ከመ : ሠና ፰ ፤  
 ይ : ውእቱ : ኦሪት : ለዘይገብሮ : በሕጉ ። ወናአምር : ዘኒ : ከመ : አኮ : ለ ፱ ፤  
 ጸድቃን : ዘይሠራዕ : ዘእንበለ : ለኃጥአን : ወጽልሕዋን : ወለዝሉፋን : ወ ፲ ፤  
 ለውፁአን : እምጽድቅ : ወለርኩሳነ : ልብ ። ወቀተልተ : አበዊሆሙ : ወ ፲፩ ፤  
 እሞሙ : ወቀተልተ : ነፍስ ። ዘማውያን : ወእለ : የሐውሩ : ዲቦ : ብእሰ : ፲፪ ፤  
 ሰረቅተ : ሰበእ : ሐሳውያን : ወእለ : ይምሕሉ : በሐሰት ። ወቦ : ባዕድኒ : ፲፫ ፤  
 ዓዲ : በዘይትቃወምዋ : ለትምህርተ : ሕይወት ። በከመ : ወንጌለ : ስብሐ ፲፬ ፤  
 ቲሁ : ለብፁዕ : እግዚአብሔር : ዘአነ : ተአመንኩ : ቦቱ ። አኣኩቶ : ለዘ ፲፭ ፤  
 ተአመነኒ : ወአጽንዐኒ : በክርስቶስ : ኢየሱስ : እግዚእነ : እስመ : ምእመ ፲፮ ፤  
 ነ : ረሰየኒ : ለመልእክቱ ። እንዘ : ቀዳሙ : ፀረፊ : አነ : ወሰዳዲ : ወጸአ ፲፯ ፤  
 ሊ : ወባሕቱ : ተሣህለኒ : እስመ : በኢያአምሮ : ገበርኩ : በኢአሚን ። ወ ፲፱ ፤  
 ፈድፈደ : ጸጋሁ : ለእግዚአብሔር : በላዕሌየ : በሃይማኖቱ : ወበፍቅሩ : ለ ፳ ፤  
 ኢየሱስ : ክርስቶስ : እግዚእነ ። እሙን : ነገሩ : ወርቱዕ : ይትወክፍዎ : በ ፳፩ ፤  
 ሁሉ : እስመ : ኢየሱስ : ክርስቶስ : መጽአ : ውስተ : ዓለም : ከመ : ያድ ፳፪ ፤  
 ኅኖሙ : ለኃጥአን : ዘአነ : ቀዳሚሆሙ ። ወበሕቱ : ተሣህለኒ : ከመ : ያር ፳፫ ፤  
 ኢ : በላዕሌየ : ኢየሱስ : ክርስቶስ : ብዝኅ : ትዕግሥቱ : ወእኩኖሙ : አ

15 ፤ ርአያ : ለአለ : ሀለዎሙ : ይእመኑ : ቦቱ : ለሕይወት : ዘለዓለም ። ንጉሥ :  
 ዘለዓለም : ዘኢይመውት : ወኢያስተርኢ : አምላክ : ባሕቲቲቱ : ዘሎቱ :  
 16 ፤ ክብር : ወስብሐት : ለዓለመ : ዓለም : አሜን ። ዘንተ : ትእዛዘ : አማኅዕን  
 ኩክ : አወልድዮ : ጢሞቴዎስ : በከመ : ተነብዮ : ዘላዕሌክ : ከመ : ትትጋ  
 17 ፤ ደል : ሠናዮ : ገድላ ። እንዘ : ብከ : ሃይማኖት : ወሠናይ : ግዕዝ : እስመ :  
 18 ፤ ሀለዉ : አለ : አውከኩ : እምሃይማኖት : ወተሰብሩሂ ። ሂሜኔዎስ : ወአ  
 ለ : እስከንድሮስ ። አለ : መጠውክዎሙ : ለሰይጣን : ይትኩነኩ : ኢያል  
 መዱ : ፀሪፈ ።

ምዕራፍ : ፪ ፤ ክፍል : ፪ ፤

1 ፤ አስተባብሩከ : ቀዳሜ : ነሉ : ትግበር : ጸሎተ : ወስኢሊ : ወተጋን  
 2 ፤ ዮ : ወእምዝ : ጸልዩ : ላዕለ : ነሉ : ሰብእ ። ወላዕለ : ነሉ : ነገሥት : ወ  
 መኳንንት : ከመ : በሀዱእ : ወበጽምው : ይኩን : ንብረትነ : በነሉ : ጽ  
 3 ፤ ድቅ : ወንጽሕ ። ዝኩ : ሠናይ : ወኅሩይ : በቅድመ : እግዚአብሔር : መ  
 4 ፤ ድኅኒነ ። እስመ : ውእቱ : ይፈቅድ : ነሉ : ሰብእ : ይሕዮው : ወያእምር  
 5 ፤ ዋ : ለጽድቅ ። አሐዱ : እግዚአብሔር : ወአሐዱ : ኅሩይ : ማእከለ : እግ  
 6 ፤ ዚአብሔር : ወሰብእ : ኢየሱስ : ክርስቶስ : ዘኮነ : ሰብእ ። ዘመጠው : ርእ  
 7 ፤ ሶ : ቤዛ : ነሉ ። ወኮነ : ሰማዕተ : በዕድሜሁ ። ዘሎቱ : ተሠዩምኩ : ሐዋ  
 8 ፤ ርያ : ወዐዋዴ ። እሙነ : አብል : ወኢይሔሱ : ተሠዩምኩ : መምህረ : ለ  
 9 ፤ አሕዛብ : በሃይማኖት : ወበጽድቅ ። ወእፈቅድ : ለነሉ : ሰብእ : ይጸልዩ :  
 10 ፤ በነሉ : ገጸ : መካን : ወያንሥኡ : እደዊሆሙ : በንጽሕ : ዘእንበለ : ነጐር  
 11 ፤ ኃር : ወኑፋቄ ። ወከማሁ : አንስትኒ : ይትረሰዩ : ለጸሎት : በፈሪህ : እግዚ  
 አብሔር : ወበኅፍረት : ወበልቡና : ወበአንጽሖ : ርእሶን : እምዝሙት :  
 አኮ : በሐብላተ : ወርቅ : ወበባሕርይ : ወበአልባስ : ቅድው : ዘዕፁብ : ሜ  
 12 ፤ ጡ : ወአኮ : በተፀፍሮ : ሥዕርቶን ። ዘእንበለ : በዘይደልዎን : ለአንስት :  
 ቀዲሙ : አምልኮ : እግዚአብሔር : በትምህርተ : ጽድቅ : ወበምግባረ :  
 13 ፤ ሠናይ ። ብእሲት : በጽምው : ትትመሀር : ወትትአዘዝ : በነሉ ። ወብ  
 14 ፤ እሲትሰ : ትምህር : ኢናበውሕ : ወኢትመብል : ላዕለ : ብእሲ ። ዳእሙ :  
 15 ፤ በጽምው : ተሀሉ ። እስመ : አዳም : ቀደመ : ተፈጥሮ : ወእምድኅራሁ :  
 16 ፤ ሔዋ ። ወአዳምሰ : ኢስሕተ : አላ : ብእሲት : ስሕተት : ወዐለወት ።  
 17 ፤ ወባሕቱ : ተሐዩ : በእንተ : ውሉዳ : ለእመ : ነበሩ : በሃይማኖት : ወበተፋ  
 ቅሮ : ወበቅድሳት : ወበአንጽሖ : ርእሶሙ : በአእምሮ ።

ምዕራፍ : ፫ ፤ ክፍል : ፫ ።

እሙን ፡ ነገር ፡ ዘይፈቅድ ፡ ይሠየም ፡ ጳጳስ ፡ ሠናየ ፡ ግብረ ፡ ፈተወ ። ፮ ፤  
 ወባሕቱ ፡ ርቱዕ ፡ ይሠየም ፡ ጳጳስ ፡ ዘኢያደሉ ፡ ለገጽ ፡ ዘአልቦ ፡ ምክንያ  
 ት ። ዘአሐተ ፡ ብእሲተ ፡ አውሰበ ። ብእሲ ፡ ንቁህ ፡ ወጠቢብ ፡ ወመፍቀ  
 ሬ ፡ ነግድ ፡ ዘአንጽሐ ፡ ርእሶ ፡ መምህር ፡ ወመገሥጽ ። ዘኢያበዝኅ ፡ ሰቲ ፫ ፤  
 የ ፡ ወይን ፡ ዘኢያፈጥን ፡ እዲሁ ፡ ለዘቢጥ ። ባቀሳዕ ፡ ዘኢይትጋእዝ ፡ ዘኢ  
 ያፈቅር ፡ ንዋየ ። ዘሠናይ ፡ ሥርዐተ ፡ ቤቱ ፡ ዘቦ ፡ ውሉድ ፡ ዘይትኤዘዙ ፡ ፬ ፤  
 በዙሉ ፡ ንጽሕ ። ወዘሰ ፡ ኢይክል ፡ ሠሪዐ ፡ ቤቱ ፡ እፎኑ ፡ ያስተሐምም ፡ ፭ ፤  
 ቤተ ፡ እግዚአብሔር ። ወኢይኩን ፡ ዘእምሐዲስ ፡ ተክል ፡ ከመ ፡ ኢይት  
 ዐበይ ፡ ወኢይጸአል ፡ ወኢይደቅ ፡ ውስተ ፡ መሥገርተ ፡ ሰይጣን ። ወዓዲ ፡ ፮ ፤  
 ርቱዕ ፡ ዘሰብእ ፡ አፍአ ፡ ይንእድም ፡ ከመ ፡ ኢይደቅ ፡ ውስተ ፡ ጽእለት ፡  
 ወመሥገርተ ፡ ሰይጣን ። ወዳያቆናት ፡ ከማሁ ፡ ንጹሓን ፡ እለ ፡ አሐዱ ፡ ፯ ፤  
 ቃሎሙ ፡ እለ ፡ ኢያበዝኑ ፡ ሰቲየ ፡ ወይን ፡ እለ ፡ ኢያፈቅሩ ፡ ረባሐ ፡ ከን  
 ቶ ። እለ ፡ የዐቅቡ ፡ ምክረ ፡ ሃይማኖቶሙ ፡ በልብ ፡ ንጹሕ ። ወሎሙኒ ፡ ይ ፱ ፤  
 ቀድሙ ፡ አመክሮቶሙ ፡ ወእምዝ ፡ ይትለአኩ ፡ እምከመ ፡ ኅሩያን ፡ እሙ  
 ንቱ ። ወአንስትኒ ፡ ከማሁ ፡ እለ ፡ አንጽሓ ፡ ርእሶን ፡ እለ ፡ ኢያስተጻጽጉጻ ፡ ፲፩ ፤  
 ጠባባት ፡ ወምእመናት ፡ በዙሉ ፡ ወይትለአካ ። ወብእሲኒ ፡ ዘአሐተ ፡ ብእ  
 ሲተ ፡ አውሰበ ፡ ዘቦ ፡ ውሉድ ፡ ዘሠናይ ፡ ግዕዝ ፡ ቤቱ ። ወእለሰ ፡ ሠናየ ፡ ፲፫ ፤  
 ይትለአኩ ፡ እንተ ፡ ተዐቢ ፡ ሢመተ ፡ ይግበሩ ፡ ሎሙ ፡ ወብዙኅ ፡ ሞገሰ ፡  
 በሃይማኖተ ፡ ኢየሱስ ፡ ክርስቶስ ። ወዘኒ ፡ ዘእጽሕፍ ፡ ለከ ፡ እትአመን ፡ ከ ፲፬ ፤  
 መ ፡ እበጽሐከ ፡ ፍጡኅ ። ወእመስ ፡ ጐንደይኩ ፡ ከመ ፡ ታእምር ፡ ዘከመ ፡ ፲፮ ፤  
 ትሠርዕ ፡ ቤተ ፡ እግዚአብሔር ፡ ቤተ ፡ ክርስቲያን ፡ ለእግዚአብሔር ፡ ሕያ  
 ው ፡ ዐምጻ ፡ ወድጻ ፡ ለጽድቅ ፡ ዐቢይ ። ዝኩ ፡ ዘአስተርአየ ፡ በሥጋ ፡ ሰብ ፲፯ ፤  
 እ ፡ ወጻድቀ ፡ በመንፈስ ፡ ወአስተርአየሙ ፡ ለመላእክት ፡ ወሰበክም ፡ ው  
 ስተ ፡ አሕዛብ ፡ ወተአመነ ፡ ውስተ ፡ ዓለም ፡ ወዐርገ ፡ በስብሐት ።

ምዕራፍ : ፬ ፤

ወመንፈስ ፡ ገሃደ ፡ ይነግር ፡ ከመ ፡ በደኃሪ ፡ መዋዕል ፡ የዐልዉ ፡ ሃ ፮ ፤  
 ይማኖቶሙ ፡ ብዙኃን ፡ ወይተልውዎሙ ፡ ለአጋንንት ፡ መስሕታን ፡ ወት  
 ምህርተ ፡ ሰይጣናት ፡ ዘያናፍቅ ። ነባብያነ ፡ ሐሰት ፡ እለ ፡ ንዱጻን ፡ በሕሊ ፫ ፤  
 ናሆሙ ። እለ ፡ የሐርሙ ፡ አውስቦ ፡ ወይክልኡ ፡ መባልዕተ ፡ ዘእግዚአብ ፫ ፤

ሔር : ፈጠረ : ለምእመናን : ከመ : ይሴሰዩ : ወያእኩቱ : እለ : ያእምርዋ :  
 ቫ : ለጽድቅ = እስመ : ኩሉ : ተግባረ : እግዚአብሔር : ሠናይ : ወአልቦ : ግ  
 ፮ : ዱፍ : ወኢምንትኒ : ለእመ : ተወክፍዎ : እንዘ : ያእኩቱ = እስመ : ይት  
 ጸ : ቄደስ : በቃለ : እግዚአብሔር : ወበጸሎት = ወዘንተ : መሀሮሙ : ለአኃዊ  
 ከ : ወትከውን : ጎሩዩ : ላእከ : ኢዩሱስ : ክርስቶስ : እንዘ : ትሴሰዩ : ለቃ  
 ፯ : ለ : ሃይማኖት : ወሠናዩ : ትምህርተ : ዘተሎከ = ወለመኃደምተ : እቤራት  
 ፰ : ሰ : ርኩስ : እቦዮ : ወአግርር : ርእሰከ : ለጽድቅ = እስመ : ግረትሰ : በሥ  
 ፱ : ጋ : ለጎዳጥ : ትበቀሳ : ወጽድቅሰ : ታሰልጥ : በኩሉ : ወባቲ : ተስፋ : ሕ  
 ፲ : ይወት : በዝ : ዓለም : ወበዘይመጽእ = እሙን : ነገሩ : ወርቱፅ : ይትወከ  
 ፲፩ : ፍዎ : በኩሉ = እስመ : በእንተዝ : ንሰርሕ : ወንጹአል : እስመ : ተወከል  
 ነ : በእግዚአብሔር : ሕያው : ማሕዩዊ : ለኩሉ : ሰብእ : ወፈድፋደሰ : ለ  
 ፲፪ : መሃይምናን = ከመዝ : መሀር : ወገሥጽ = ወአልቦ : ዘያስተኣብዳ : ለው  
 ፲፫ : ርኩትከ : ወኩኖሙ : አርአያ : ለመሃይምናን : በቃልከ : ወበምግባርከ :  
 ፲፬ : በፍቅር : ወበሃይማኖት : ወበንጽሕ = ወተዐቀብ : እስከ : እመጽእ : በአን  
 ፲፭ : ብቦ : ወበምሂር : ወበገሥጸ : ወበጸልዮ = ወኢታስትት : ጸጋሁ : ዘላዕሌ  
 ከ : ዘተውሀበከ : ምስለ : ተነብዮ : ወምስለ : ሢመተ : እዲሆሙ : ለጳጳሳ  
 ፲፮ : ት = ዘንተ : አንብብ : ወበዝ : ሀሉ : ከመ : ይትዐወቅ : ስላጤከ : በኩሉሂ =  
 ፲፯ : ዑቅ : እንከ : ርእሰከ : በእንተ : አንብቦ : ወዘልፈ : ሀሉ : ባቲ : ወእመ  
 ሰ : ዘንተ : ገበርከ : ርእሰከሂ : ታድጎን : ወዘሂ : ይሰምዐከ =

ምዕራፍ : ፩ ፤

፩ : ሊቃናተ : ኢታመጉጽ : ተአዘዝ : ከመ : ዘለአቡከ = ወለንኡሳን :  
 ፪ : ከመ : ዘለአጎዊከ = ወለልሂቃትሂ : ከመ : ዘለእምከ : ወለንኡሳትሂ : ከ  
 ፫ : ሰ : መ : ዘለአኃቲከ : በኩሉ : ንጽሕ = ወአክብር : እቤራተ : በአማን = ወእ  
 መቦ : እቤር : እንተ : ባቲ : ውሉድ : አው : ደቂቅ : ውሉድ : ይትመሀሩ :  
 ቅድመ : አሠንዮ : ለቤቶሙ : ወይዕስዩ : አዝማዲሆሙ : እስመ : ከማሁ :  
 ፮ : ሠናይ : ወሥሙር : በቅድመ : እግዚአብሔር = ወእንተሰ : እቤር : በአማ  
 ን : ንጽሕት : እንተ : ባሕቲታ : ትነብር : እስመ : ቱክልታ : እግዚአብሔ  
 ፯ : ር : ወትፀመድ : ጸሎተ : ወትስእል : መዐልተ : ወሌሊተ = ወእንተሰ : ት  
 ፮ : ፈግዕ : ምስለ : ተውኔት : ምውት : ይእቲ : እንዘ : ሕያዋ = ወከመዝ : ገ  
 ፰ : ሥጽ : ከመ : ኢያድልዉ : ወኢያመክንዩ = ወዘሰ : ኢይሔሊ : ለቤቱ :  
 ወይገድፍ : አዝማዲሁ : ውእቱ : ከሕደ : ሃይማኖቶ : ወየአኪ : እምዘ :

ኢየሱስምን ። ወለእመ ፡ ጎረይክ ፡ እቤረ ፡ ጎረይ ፡ እንተ ፡ ስሳ ፡ ክረምታ ፡ እ ፪ ፡  
 ንተ ፡ አሐዶ ፡ ብእሴ ፡ አውሰበት ። ብእሲት ፡ እንተ ፡ ይንእድዋ ፡ በኩሉ ፡ ፲ ፡  
 ምግባረ ፡ ሠናይ ። ለእመ ፡ አልሀቀት ፡ ውሉዳ ፡ ወለእመ ፡ ነግዶ ፡ ተወክፈ  
 ት ፡ ወለእመ ፡ እግረ ፡ ጻድቃን ፡ ኅፀበት ፡ ወእመ ፡ ርኅብ ፡ አጽገበት ፡ ወ  
 ኩሉ ፡ ምግባረ ፡ ሠናይ ፡ ለእመ ፡ ተለወት ። ወለንኲሳትሰ ፡ መበለታት ፡ ፲፮ ፡  
 ተገሐሦን ። ሶበ ፡ ፈግዓ ፡ ላዕለ ፡ ክርስቶስ ፡ ወይፈቅዳ ፡ ይግብአ ፡ ለአውስ  
 ቦ ። ወጽኑሕ ፡ ደይኖን ፡ እስመ ፡ ክሕዳ ፡ ሃይማኖቶን ፡ ቀዳሚተ ። ወዓዲ ፡ ፲፮ ፡  
 አፅርዕተ ፡ ይትሚህራ ፡ እንዘ ፡ የዐውዳ ፡ አብያተ ፡ ወአኮ ፡ አፅርዕተ ፡ ባሕ  
 ቲቶ ፡ አላ ፡ ዓዲ ፡ ከመ ፡ ያብዝኃ ፡ ነቢብ ፡ ወምግባረ ፡ ከንቱ ፡ ይፍጥራ ፡ ነ  
 ገረ ፡ ዘኢህልው ። እፈቅድ ፡ እንከ ፡ ለንኲሳት ፡ ያውስባ ፡ ወይትዋለዳ ፡ ወ ፲፱ ፡  
 ይኩና ፡ በዓልታተ ፡ ቤት ፡ ወኢይርከብ ፡ ምክንያተ ፡ ወኢኢሐተኒ ፡ በዘይ  
 ፀብአን ፡ ጸላኢ ፡ ከመ ፡ ኢያጽእላ ፡ ርእሶን ። እስመቦ ፡ እለ ፡ ተመይጡ ፡ ፲፱ ፡  
 ወተለውዎ ፡ ለሰይጣን ። ወለእመቦ ፡ እምእመኖን ፡ ዘቦ ፡ እቤር ፡ ይዕቀባ ፡ ፲፯ ፡  
 ወኢያክብድ ፡ ላዕለ ፡ ቤተ ፡ ክርስቲያን ። ከመ ፡ ትክህል ፡ ለእለ ፡ በአማን ፡  
 እቤራት ። እለ ፡ ሠናየ ፡ ተልእኩ ፡ ቀሲሳን ፡ ምክብራተ ፡ ክብር ፡ ይደልዎ ፲፮ ፡  
 ሙ ፡ ወፈድፋደሰ ፡ ለእለ ፡ ይሰርሑ ፡ በቃል ፡ ወበምህሮ ። ወይብል ፡ መጽ ፲፪ ፡  
 ሐፍ ፡ ኢትፍፅዎ ፡ አፋሁ ፡ ለላህም ፡ ሶበ ፡ ታከይድ ፡ እክለ ፡ ወይደልዎ ፡  
 ዐስቡ ፡ ለዘይትቀነይ ። ላዕለ ፡ ልሂቅ ፡ ኢትስማዕ ፡ ውዴተ ፡ ዘእንበለ ፡ ይ ፲፱ ፡  
 ዝልፍዎ ፡ ክልኤቱ ፡ ወሠለስቱ ፡ ሰማዕት ። ወለእለሂ ፡ ስሕቱ ፡ በቅድመ ፡ ፳ ፡  
 ኩሉ ፡ ገሥጸሙ ፡ ከመ ፡ ባዕድኒ ፡ ይፍራህ ። አሰምዕ ፡ ለከ ፡ በቅድመ ፡ እ ፳፩ ፡  
 ግዚኦብሔር ፡ ወኢየሱስ ፡ ክርስቶስ ፡ ወመላእክቲሁ ፡ ኅሩያን ፡ ከመ ፡ ት  
 ዕቀብ ፡ ዘንተ ፡ እንዘ ፡ ኢታደሉ ፡ ወኢታጸድቆ ፡ ለሰብእ ፡ ቅድመ ፡ ፍት  
 ሕ ፡ ወኢትግበር ፡ ምንተሂ ፡ በአድልዎ ። ወኢትሢም ፡ ፍጡነ ፡ ወኢመነ ፳፮ ፡  
 ሂ ፡ ወኢትሳተፍ ፡ በኃጢአተ ፡ ባዕድ ። ወአንጽሕ ፡ እንከ ፡ ርእሰከ ። ወኢ ፳፫ ፡  
 ትስተይ ፡ ማየ ፡ ዕራቆ ፡ ኅዳጠ ፡ ወይነ ፡ ቶስሕ ፡ በእንተ ፡ ሕማመ ፡ ከብድ ፳፬ ፡  
 ከ ፡ ወበእንተ ፡ ደዌክ ፡ ዘዘልፍ ። ቦሰብእ ፡ ዘይትዐወቅ ፡ ኃጢአቱ ፡ ወይት ፳፬ ፡  
 ባደሮ ፡ ውስተ ፡ ደይን ፡ ወቦዘይትልዎ ፡ ኃጢአቱ ። ወከማሁ ፡ ዘሂ ፡ ይገብ ፳፮ ፡  
 ር ፡ ሠናየ ፡ ይትዐወቅ ፡ ወዘሂ ፡ ካልእ ፡ ምግባሩ ፡ ኢይትከበት ።

ምዕራፍ : ፯

ወኩሉ ፡ ነባሪ ፡ ወቅኑይ ፡ አክብሩ ፡ ኢጋእዝቲክሙ ፡ በኩሉ ፡ ከመ ፡ ፮ ፡  
 ኢይዕርፋ ፡ ላዕለ ፡ ስመ ፡ እግዚኦብሔር ፡ ወላዕለ ፡ ትምህርቱ ። ወእለሰ ፡ ፫ ፡

በሙ : አጋእዝት : መሃይምናን : ኢያስተሐቅሩ : እስመ : አጎዊሆሙ :  
 አሙንቱ : በሃይማኖት : ዓዲ : ፈድፋደ : ይትቀነዩ : ሎሙ : እስመ : ም  
 እመናን : ወፍቁራን : እሙንቱ : እለ : ይትዌከፉክሙ : ወይረድኡክሙ ::  
 ፫ : ከመዝ : መሀር : ወገሥጽ : ወአስተብቀሥሙ :: ወእመሰቦ : ዘይሜሀር :  
 ፬ : ካልአ : ወኢይገብእ : ኅበ : ትምሀርተ : ነገረ : ሕይወት : ዘውእቱ : ቃለ :  
 እግዚእነ : ኢየሱስ : ክርስቶስ : ወኅበ : ትምሀርተ : ጽድቅ :: ውእቱኬ :  
 ይትዔበይ : ወአልቦ : ዘያአምር : ዘእንበለ : መቅሠፍተ : ዘየኅሥሥ : ወ  
 ነገረ : ጋእዝ :: ዘእምኔሁ : ይመጽእ : ተሐምሞ : ወተቃንኦ : ፀሪፍ : ም  
 ፭ : ክር : እኩይ :: አስተጻጽ : ሰብእ : ሙሉናን : ወውፁአን : እምጽድቅ :  
 ፮ : ወይሬስይዎ : ለእግዚአብሔር : ተግባረ :: ተገሐሥሙ : ለእሉ :: ተግባ  
 ፯ : ርሰ : ዐቢይ : ውእቱ : ፈሪሀ : እግዚአብሔር :: እስመ : አልቦ : ዘአምጻ  
 ፱ : እነ : ውስተ : ዓለም : ወአልቦ : ዘንክል : ነሢአ : እምኔሁ :: እምከመ :  
 ፲ : ረከብነ : ሲሳየነ : ወዐራዘነ : የአክለነ :: ወእለሰ : ይፈቅዱ : ይብዑሉ : ይ  
 ወድቁ : ውስተ : መንሱት : ወብዙኅ : መሣግረ : ፍትወት : ዘእበድ : ዘ  
 ፫ : ይብእሶሙ : ወዘያስጥሞሙ : ለሰብእ : ውስተ : ተሠርዎ : ወሞት :: እስ  
 መ : ሥርወ : ለኩሉ : እኩይ : አፍቅሮ : ንዋይ :: እስመ : በእለ : በዛቲ :  
 ፲፮ : ስሕቱ : ወዐለዉ : ሃይማኖቶሙ : ወኅሠሠ : ለርእሶሙ : ብዙኅ : መቅ  
 ፲፭ : ሠፍተ :: ወአንተሰ : ብእሱ : እግዚአብሔር : ጉየይ : እምዝ : ወዴግን :  
 ፲፮ : ጽድቅ : ወምሒረ : ወሃይማኖተ : ወተፋቅሮ : ወትዕግሥተ : ወትሕትና ::  
 ፲፯ : ተጋደል : ሠናየ : ገድለ : በሃይማኖት : ወተመጥዎ : ሕይወት : ዘለዓለ  
 ፲፱ : ም : ዘሎቱ : ተጸዋዕከ :: ወአመንከ : ሠናየ : አሚኅን : በቅድመ : ብዙኅ  
 ፳ : ን : ሰማዕት :: ከመዝ : እሚሀረክ : በቅድመ : እግዚአብሔር : ዘኩሎ :  
 ፳፩ : ሙታነ : ያሐዩ : ወኢየሱስ : ክርስቶስ : ዘኮነ : ሰማዕተ : በቅድመ : ጲላ  
 ፳፪ : ጦስ : ጳንጤናዊ : በሠናይ : አሚን :: ከመ : ትዕቀብ : ትእዛዘ : በንጽሕ :  
 ፳፫ : እንዘ : ኢታደሉ : እስከ : ምጽአቱ : ለእግዚእነ : ኢየሱስ : ክርስቶስ ::  
 ፳፬ : ዘያስተርኢ : በዕድሜሁ : ዘባሕቲቱ : ብፁዕ : ወኅያል : ንጉሠ : ነገሥት :  
 ፳፭ : ወእግዚእ : አጋእዝት :: ውእቱ : በሕቲቱ : ዘኢይመውት : ወቦቱ : ብር  
 ፳፮ : ሃን : ዘኢይጠፍእ : እምቅድመ : ዓለም : ዘአልቦ : ዘርእዮ : ሰብእ : ወአ  
 ፳፯ : ልቦ : ዘይክል : ርእዮቶ : ዘሎቱ : ክብር : ወኅይል : ለዓለመ : ዓለም : አ  
 ፳፰ : ሜን :: ለአብዕልተ : ዝንቱኒ : ዓለም : አዝዘሙ : ከመ : ኢይትዐበዩ : ወ  
 ፳፱ : ኢይትአመንዎ : ለብዕሎሙ : ኅላሬ : ዘእንበለ : በእግዚአብሔር : ሕያ  
 ፳፻ : ው : ዘውእቱ : ይሁበነ : በብዝኅ : ብዕሉ : ኩሎ : ከመ : ንትፈሣሕ :: ከ  
 መ : ይግበሩ : ግብረ : ሠናየ : ወይብዑሉ : በገቢረ : ጽድቅ : ወይኩኑ :

ጸጋውያን : ወሰቱፋን ። ወይሣርሩ : ለርእሶሙ ፣ መሠረተ ፣ ሠናዩ ፣ ለዘይ ፣ ፲፱ ፣  
 መጽእ : ዓለም ፣ ከመ ፣ ይርከቡ ፣ ሕይወተ ፣ ዘበአማን ። ኢጢሞቴዎስ ፣ ዕ ፣ ፳ ፣  
 ቀብ ፣ ማኅፀንተክ ። ተገሐሦሙ ፣ ለርኩሳን ፣ እለ ፣ ያመጽኡ ፣ ነገረ ፣ ከን  
 ቶ ፣ ወያሴስልዋ ፣ ለጽድቅ ፣ በሐሰት ። እስመ ፣ እሉ ፣ ስሕቱ ፣ እምተስፋ ፣ ፳፭ ፣  
 ሃይማኖት ። ጸጋ ፣ ምስሌክ ፣ አሜን ።

ተፈጸመ ፣ መልእክት ፣ ቀዳማዊ ፣ ኅበ ፣ ጢሞቴዎስ ፣ ወተጽሕፈ ፣ በሎዲ  
 ቅያ ፣ ወተፈነወ ፣ በእደ ፣ ቲቶ ።



መልእክት ፡ ካልእ ፡ ጎበ ፡ ጢሞቴዎስ ።

ምዕራፍ ፡ ፩ ፤ ክፍል ፡ ፩ ፤

ከ፤ ጳውሎስ ፡ ሐዋርያሁ ፡ ለኢየሱስ ፡ ክርስቶስ ፡ በፈቃድ ፡ እግዚአብሔር ፡  
 ጸጠኑ ፡ ወበተስፋ ፡ ሕይወት ፡ እንተ ፡ በኢየሱስ ፡ ክርስቶስ ፡ ለጢሞቴዎስ ፡  
 ወልድዮ ፡ ዘአፈቅር ። ሰላም ፡ ለከ ፡ ወሣህል ፡ ወጸጋ ፡ እግዚአብሔር ፡ አቡ  
 ዩ፤ ነ ፡ ወእግዚእነ ፡ ኢየሱስ ፡ ክርስቶስ ። አክዙቶ ፡ ለእግዚአብሔር ፡ ዘኪያ  
 ሀ ፡ አመልክ ፡ በልብ ፡ ንጹሕ ፡ እምፍጥረትዮ ፡ ወዘልፈ ፡ እዜከረከ ፡ በጸሎ  
 ዩ፤ ትዮ ፡ መዐልተ ፡ ወሌሊተ ። ወእፈቱ ፡ እርአይከ ፡ ወእዜከር ፡ አንብዐከ ።  
 ጸ፤ ወእትፈሣሕ ፡ ተዘኪርዮ ፡ ሃይማኖተከ ፡ ዘአልቦ ፡ ነፋቄ ፡ እንተ ፡ ጎደረት ፡  
 ጸ፤ ላዕለ ፡ እምከ ፡ አውኒቄ ፡ ወእምሔውትከ ፡ ሎይድ ፡ እፌጽም ፡ ፍሥሐዮ ፡  
 ጸ፤ ወእትአመን ፡ ከመ ፡ ላዕሌከኒ ። ወበእንተዝ ፡ እዜከረከ ፡ ከመ ፡ ይትሐደ  
 ጸ፤ ስ ፡ ጸጋሁ ፡ ለእግዚአብሔር ፡ ዘረከብከ ፡ በሢመተ ፡ እደዮ ፡ ላዕሌከ ። እስ  
 ጸ፤ መ ፡ አከ ፡ መንፈስ ፡ ፍርሀት ፡ ዘወሀበነ ፡ እግዚአብሔር ፡ ዘእንበለ ፡ መን  
 ጸ፤ ፈሰ ፡ ጎይል ፡ ወንጽሕ ፡ ወተፋቅሮ ፡ ወጥብብ ። ኢትጎፈር ፡ እንከ ፡ በእን  
 ዩ፤ ተ ፡ ስምዑ ፡ ለእግዚእነ ፡ ወኢታስተጎፍረኒ ፡ ኪያዮ ፡ ሙቁሖ ፡ ዳእሙ ፡  
 ዩ፤ ጸሙ ፡ ለምህሮ ፡ በጎይለ ፡ እግዚአብሔር ፡ ዘአድጎነነ ፡ ወጸውዐነ ፡ በጽዋ  
 ዩ፤ ዔሁ ፡ ቅዱስ ። ወአከ ፡ በከመ ፡ ምግባሪነ ፡ ዳእሙ ፡ በከመ ፡ ፈቃዱ ፡ ወጸጋ  
 ዩ፤ ሁ ፡ ዘተውሀበ ፡ ለነ ፡ በኢየሱስ ፡ ክርስቶስ ፡ እምቅድመ ፡ ዓለም ። ወአስ  
 ተርአዮ ፡ ይእዜ ፡ በምጽአቱ ፡ ለእግዚእነ ፡ ኢየሱስ ፡ ክርስቶስ ፡ መድኅኒ  
 ነ ፡ ዘሰዐሮ ፡ ለሞት ፡ ወአብርሃ ፡ ለሕይወት ፡ ወአሰሰለ ፡ ሙስና ፡ በትምህ  
 ዩ፤ ጸተ ፡ ወንጌሉ ። ዘሎቱ ፡ ተሠዩምኩ ፡ ሐዋርያ ፡ ወዐዋዴ ፡ ወመምህረ ፡ ለ  
 ዩ፤ አሕዛብ ፡ ወበእንቲአሁ ፡ አሐምም ፡ ወኢይትጎፈር ፡ እንዘ ፡ አነ ፡ ቦቱ ።  
 ዩ፤ እስመ ፡ አአምር ፡ ዘተአመንኩ ፡ ወእትአመንኒ ፡ ከመ ፡ ይክል ፡ ዐቂብ ፡ ለ  
 ዩ፤ ተ ፡ ዘአማኅፀንክም ፡ እስከ ፡ ይእቲ ፡ ዕለት ። ወለይኩን ፡ ለከ ፡ አርአያ ፡ ው  
 እቱ ፡ ቃለ ፡ ሕይወት ፡ ዘሰማዕከ ፡ በጎሴዮ ፡ በሃይማኖት ፡ ወበፍቅረ ፡ ክርስ  
 ዩ፤ ቶስ ፡ ኢየሱስ ፡ ዕቀብ ፡ ማኅፀንተከ ፡ ሠናዮ ፡ በመንፈስ ፡ ቅዱስ ፡ ዘጎዱር ፡  
 ዩ፤ ላዕሌነ ። ወዘንተኒ ፡ ታእምር ፡ ከመ ፡ ዐለዉኒ ፡ ነሎሙ ፡ እለ ፡ በእስያ ፡  
 ዩ፤ እለ ፡ ፈጌሎስ ፡ ወኤርሞጌኔስ ። ወዩሀቦ ፡ እግዚአብሔር ፡ ሣህለ ፡ ለቤተ ፡

ሂኔሲፎሩ : እስመ : ብዙኅ : አዕረፈኒ : ወኢኅፈረ : በእንተ : መዋቅሕት  
የ = ወበጸሐ : ኅበ : ሮሜ : ፍጡነ : ኅሠሠኒ : ወረከበኒ :: የሀቦ : እግዚአ ፲፮ :  
ብሔር : ይርከብ : ሣህለ : በኅበ : እግዚአነ : በይአቲ : ዕለት : ወመጠነ : ፲፭ :  
ተልእከኒ : ሠናየ : በኤሬሶን : ለሊከ : ታአምር ::

ምዕራፍ : ፪ :

ወእንተ : ወልድየ : ጽናዕ : በጸጋሁ : ለእግዚአነ : ኢየሱስ : ክርስ ፮ :  
ቶስ = ወዘሰማዕከ : በላዕሌየ : በኅበ : ብዙኅን : ሰማዕት : ከያሁ : መሀሮ ፫ :  
ሙ : ለመሃይምናን : ሰብእ : እለ : ይደልምሙ : ከመ : ይምሀሩ : ለባዕዳ ፬ :  
ን = ወጻሙ : ከመ : ኄር : መስተጋድል : ላእከ : ኢየሱስ : ክርስቶስ = ፫ :  
እስመ : አልቦ : ዘይትቃተል : ወይሔሊ : ንብረተ : ዓለም : ከመ : ያድሉ : ፬ :  
ለዘሣሞ = ወእመኒ : መስተጋድል : ኢይከውኖ : ምዝጋና : እመ : ዘበሕ ፮ :  
ጉ : ኢተጋደለ = ወዘኒ : ይጻሙ : ሐረሳዊ : ግብር : ይቀድም : ረከብ : ፍ ፮ :  
ሬሁ = ወለቡ : ዘእጌለከ = የሀብከ : እግዚአብሔር : ጥበብ : በኩሉ = ተዘ ፯ : ፭ :  
ከሮ : ለኢየሱስ : ክርስቶስ : ዘተንሥኦ : እምውታን : ዘእምዘርዐ : ዳዊት :  
በከመ : መሀርኩ = ዘበእንቲአሁ : እሠርሕ : ወእትሞቃሕ : ከመ : ጉሕል ፱ :  
ያ : ወባሕቱ : ቃለ : እግዚአብሔርሰ : ኢይትአሠር = በእንተዝ : እትዔገ ፲ :  
ሥ : በኩሉ : በእንተ : ኅሩያኒሁ : ከመ : እሙንቱሂ : ይረከቡ : ሕይወተ :  
ዘበኢየሱስ : ክርስቶስ : ወሰብሐተ : ዘለዓለም : ዘበሰማያት = እሙን : ነ ፲፮ :  
ገር : እምከመ : ነኅብር : መዊተ : ንዔሪ : ሕይወተ = ወእመሰ : ዐረይነ : ፲፫ :  
ትዕግሥተ : ንዔሪ : ነጊሠ : ወእመሰ : ክሕድናሁ : ውእቱኒ : ይክሕደነ =  
ወእመኒ : ኢአመናሁ : ውእቱሰ : ምእመነ : ይነብር : ወኢይክል : ክሔ ፲፫ :  
ደ : ርእሶ = ክፍል : ፪ = ከመዝ : ዘክሮሙ : ወአስምዕ : ቅድመ : እግዚአ ፲፬ :  
ብሔር : ኢትትላኩዩ : በግብር : ዘኢይበቀሑ : ወበዘይትገፈትኩ : እለ :  
ይሰምዑ = አስተፋጥን : ከመ : ትረሲ : ርእሰከ : ኅሩየ : በኅበ : እግዚአብ ፲፮ :  
ሔር : ከመ : ገባራዊ : ዘኢይትኅፈር : ዘርቱዐ : ይመትር : ቃለ : እግዚአ ፲፯ :  
ብሔር : በጽድቅ = ወለነገረ : ርኩሳንሰ : ዘአልቦ : ባቀሑ : እበዮ : እስመ : ፲፮ :  
ያዐብይዋ : ለኃጢአቶሙ = ወነገሮሙኒ : ከንቱ : ከመ : ዘይትረዐይ : ወዘ ፲፭ :  
ይልሀቅ : በብዙኅን : እለ : ሄሜኔዎስ : ወሬሊጦስ = እለ : አውከኩ : እ ፲፭ :  
ምጽድቅ : ወይብሉ : ወድአ : ኮነ : ትንሣኤ : ምውታን : ወይገፈትኩ :  
ሃይማኖቶሙ : ለብዙኅን = ወዘሰ : ጽኑዕ : በመሠረተ : እግዚአብሔር : ፲ዘ :  
ይቀውም : እንዘቦ : ዘንተ : ማዕተቦ : ወያአምሮሙ : እግዚአብሔር : ለእ

ሊከሁ : ወይርሕቅ : እምዐመፃ : ነሱ : ዘይሰሚ : ስመ : እግዚአብሔር ።  
 ፩ : ውስተ : ቤትኒ : ዐቢይ : አኮ : ባሕቲቱ : ንዋየ : ወርቅ : ውብሩር : ዓዲቦ :  
 ፮ : ዘዕፅኒ : ወዘልሕነትኒ ። ቦዘለክብርኒ : ወቦ : ዘለጎሳር ። ወእመቦ : ዘእን  
 ጽሐ : ርእሶ : እምዝ : እኩይ : ይክውን : ንዋየ : ክብር : ቅዱሳ : ወባቀ-  
 ፬ : ዐ : ለመልእክተ : እግዚአ : ወድልወ : ለነሱ : ምግባረ : ሠናይ ። ጉየ  
 ያ : ለፍትወተ : ውርዘተ : ወዴግና : ለጽድቅ : ወለሃይማኖት : ወተፋቅ  
 ር : ወሰላም : ምስለ : ነሱ : እለ : ይጼውዕዎ : ለእግዚአብሔር : በል  
 ፭ : ብ : ንጹሕ ። እቡዮ : ለነገረ : እቦድ : ወሰላቅ : ወተኃሥሥ : ከንቱ : ታእ  
 ፮ : ምር : ከመ : ኃእዘ : ያመጽእ ። ወገብረ : እግዚአብሔርሰ : ኢይትገአዝ :  
 አላ : ከመ : ሕፃን : የዋሀ : ይክውን : ምስለ : ነሱ : ወመምህረ : ወመስ  
 ፯ : ተዓግሠ : እምነሱ : እኩይ ። ወይጌሥጽ : በየውሀት : ለእለ : ይትቃረ  
 ኑ ። እመቦ : ከመ : የሀቦሙ : እግዚአብሔር : ይነስሑ : ያእምርዋ : ለጽ  
 ፰ : ድቅ ። ወይንቅሁ : እመሥገርተ : ሰይጣን : እስመ : ወድአ : አሥገርሙ :  
 ለተሊወ : ፈቃዱ ።

ምዕራፍ : ፫ !

፩ : ወዘንተ : ባሕቱ : አእምር : ከመ : በደኃሪ : መዋዕል : ይመጽእ : ዓ  
 ፪ : መቃተ : እኩይ ። ወይክውኑ : ሰብእ : መፍቀርያነ : ርእሶሙ : ወመፍቀር  
 ያነ : ፈጊዕ : ወንዋይ : ነባብያነ : ዝሁራን : ፅሩፋን : ዐላውያነ : አዝማዲሆ  
 ፫ : ሙ : እለ : አልቦሙ : አኩቲተ : ውፁአነ : ጽድቅ ። እለ : አልቦሙ : ም  
 ፬ : ሕረተ : ሥሑጻነ : ጸላእያነ : ሠናይ ። ዐላውያነ : ዝሉፋን : ጽሑአነ : እለ :  
 ፭ : ያበድሩ : ሐውዝ : እምፍቅረ : እግዚአብሔር ። ይትሚሰሉ : ጸድቃነ : ወ  
 ፮ : ይክሕድዎ : ለጎይለ : ጽድቅ ። ወለእለ : ከመዝ : ተገሐሦሙ ። እስመ :  
 እሙንቱ : እለ : ይትባውኩ : አብያተ : ሰብእ : ወይጌውምን : ለአንስት :  
 ፯ : እለ : ፅሩራት : በኃጢአት : ወያወርዱ : ውስተ : ብዙን : ፍትወት ። ወዘ  
 ፮ : ልፈ : ይትጌሠጹ : ወኢያአምርዋ : ግሙራ : ለጽድቅ ። ከመ : ኢያኔስ :  
 ወኢያንበሬስ : ተቃወምዎ : ለሙሴ ። ከማሁ : እሉሂ : ተቃወምዎ : ለጽ  
 ፱ : ድቅ ። ሰብእ : ሙሱናን : ልብ : ወንፋቃነ : ሃይማኖት ። ወባሕቱ : ኢይ  
 ተሌዐሉ : እስመ : ፈድፈደት : እቦዶሙ : ወተዐውቀት : ለነሱ : ከመ :  
 ፲ : እቦዶሙ : ለእልክቱ : ዓዲ ። ወአንተሰ : ተለውከ : በትምህርትየ : በግዕ  
 ዝየ : በዘመሀርኩክ : በሃይማኖት : ወበተስፋ : ወበተፋቅሮ : ወበትዕግሥ  
 ፲፩ : ት ። በተሰዶ : ወበሕማም ። መጠን : ረከበኒ : በአንጾኪያ : በኢቆንያ : በ

ልስጥራን : መጠነ : ተዐገሥኩ : ተሰዶ ። ወእምኑሉ : አድኅነኒ : እግዚ ፲፮ ፤  
 አብሔር ። ወኑሎሙ : አለ : ይፈቅዱ : ይሕየዉ : በጽድቀ : ኢየሱስ : ክ ፲፱ ፤  
 ርስቶስ : ይሰደዱ ። ወሰብአስ : እኩያን : ይትሌዐሉ : ውስተ : እንተ : ተ ፲፱ ፤  
 አኪ : ወይስሕቱ : ወያስሕቱ ። ወአንተሰ : ሀሉ : በዘተመሀርከ : ወተአመ ፲፱ ፤  
 ንክ ። ታአምር : በኅበ : መኑ : ተመሀርከ ። ታአምር : እምንእስከ : መጽ ፲፮ ፤  
 ሐፈ : ቅዱሰ : ዘይክል : አሕይዎተክ : በሃይማኖተ : ኢየሱስ : ክርስቶስ ። ፲፮ ፤  
 ወኑሉ : መጽሐፍ : በመንፈሰ : እግዚአብሔር : ተጽሕፈ : ወይበቀኅፅ : ለ ፲፮ ፤  
 ኑሉ : ትምህርት : ወተግሣጽ : ወአርትዖ : ወአጥብቦ : ውስተ : ጽድቅ ። ፲፮ ፤  
 ከመ : ይትገሠጽ : ብእሴ : እግዚአብሔር : ውስተ : ኑሉ : ምግባረ : ሠናይ ። ፲፮ ፤

ምዕራፍ : ፳ ፤

ወእኤዝዘክ : በቅድመ : እግዚአብሔር : ወእግዚእነ : ኢየሱስ : ክር ፩ ፤  
 ስቶስ : ዘሀለዎ : ይኩንን : ሕያዎን : ወሙታን : አመ : ይመጽእ : በመን ፩ ፤  
 ግሥቱ ። ከመ : ትስብክ : ቃሎ : ቀዊመክ : በድቡት : በጊዜሁ : ወዘእንበ ፩ ፤  
 ለ : ጊዜሁ : ገሥጽ : ወተዛለፍ : ወየውሀ : እንዘ : ትትጫገሥ : በኑሉ : ፩ ፤  
 ወትሚሀር ። እስመ : ይበጽሕ : ጊዜሁ : አመ : የአብይዋ : ለትምህርተ : ፩ ፤  
 ሕይወት : ወየሐውሩ : በፍትወቶሙ : ወያመጽኡ : መምሀራን : ለርእሶ ፩ ፤  
 ሙ : በሐከክ : እዘኒሆሙ ። ወይመይጡ : እዘኒሆሙ : እምጽድቅ : ወይት ፩ ፤  
 መየጡ : ኅበ : መኃደምት ። ወአንተሰ : ንቃሀ : ወጥብብ : በኑሉ : ወጻ ፩ ፤  
 ሙ : ወግበር : ምግባረ : ወንጌላዊ : ወፈጽም : መልእክተክ ። ወአንሰ : ወ ፩ ፤  
 ዳእኩ : ሰለጥኩ : ወበጽሐኒ : ዕድሚየ : ለአዕርፎ ። ሠናየ : ገድለ : ተጋደ ፩ ፤  
 ልኩ : በድርየኒ : ፈጸምኩ : ወሃይማኖተኒ : ዐቀብኩ ። እንከሰ : ጽኑሕ : ፩ ፤  
 ሊተ : አክሊለ : ጽድቅ : ዘየዐስየኒ : እግዚአብሔር : ይአተ : ዕለተ : መኩ ፩ ፤  
 ንነ : ጽድቅ ። ወአክ : ለባሕቲትየ ። አላ : ለኑሎሙ : አለ : ያፈቅሩ : ም ፩ ፤  
 ጽአተ : ዘአሁ ። አስተፋጥን : ትምጻእ : ኅበየ : ፍጡን ። ዴማስ : ኅደገ ፱ ፤ ፲ ፤  
 ኒ : ወአፍቀሮ : ለዝንቱ : ዓለም : ዘይእዜ : ወሐረ : ተሰሎንቄ : ወቄርቂስ ፩ ፤  
 ኒ : ገላትያ : ወቲቶ : ድልማጥያ ። ሉቃስ : በሕቲቱ : ምስሌየ ። ወአምጽ ፲፩ ፤  
 ኦ : ምስሌክ : ለማርቆስ : እስመ : ይበቀኅዐኒ : ለመልእክት ። ወፈነውክዎ : ፲፩ ፤  
 ለቲኪቆስ : ኤፌሶን ። ወፌሎንኒ : ዘመጽሐፍ : ዘኅደጉ : በጢሮአስ : ኅ ፲፱ ፤  
 በ : ቀርጳ : ተማላእ : ምስሌክ : አመ : ትመጽእ : ወዓዲ : መጻሕፍተ : ወ ፲፱ ፤  
 ረቀ ። አለ : እስክንድሮስ : ነሃቢ : ብዙኅ : ሣቀየኒ ። ይፍድዮ : እግዚአብ ፲፱ ፤  
 ሔር : በከመ : ምግባሩ ። ወአንተኒ : ተዓቀቦ : እስመ : ፈድፋደ : ተቃወ ፲፱ ፤

- ፲፮፡ ሞ : ለነገርነ ። ወበቀዳሚ : ነገርየ : አልቦ : ዘኅብረ : ምስሌየ : ዳእሙ : ነ፡
- ፲፮፡ ሎሙ : ኅደጉኒ ። ወይስረይ : ሎሙ : ዘንተ ። ወዳእሙ : እግዚአብሔር : ቆመ : ሊተ : ወአጽንዐኒ : ከመ : ይእመኑ : በስብከተ : ዚአየ : ወይስም
- ፲፯፡ ዑ : ነ፡ ሎሙ : አሕዛብ : ወድኅንኩ : እምአፈ : አንበሳ ። ወያድኅነኒ : እግዚአብሔር : እምነ፡ ግብር : እኩይ : ወያሐይወኒ : ውስተ : መንግሥ
- ፲፱፡ ቱ : ዘበሰማያት : ውእቱ : ዘሎቱ : ስብሐት : ለዓለመ : ዓለም : አሜን ። አ
- ፳፡ ምኅ : ጵርስቅላ : ወአቂላ : ወቤተ : ሂኒሲፎፋ ። አሬስጦስ : ነበረ : ቆሮን
- ፳፩፡ ቶስ : ወለጥሮፊሞስ : ኅደግዎ : በሀገረ : መሊጦን : ይደዊ ። አስተፋጥን : ትምጻእ : ኅቤየ : እምቅድመ : ክረምት ። ይኤምኅከ : ኤውቡሎስ : ወጳ
- ፳፪፡ ዴስ : ወሊኖስ : ወቀላውድያ : ወነ፡ ሎሙ : አኅዊነ ። ወእግዚእነ : ኢየሱስ : ክርስቶስ : የሀሉ : ምስለ : መንፈስክ ። ወጸጋሁ : ምስሌክሙ : አሜን ።

ተፈጸመ : መልእክት : ካልእ : ኅበ : ጢሞቴዎስ : ወተጽሕፈ : በሮሜ : ወተፈነወ : በእደ : አንክሮሎስ ። ።

መልእክተ ፡ ጳውሎስ ፡ ኅበ ፡ ቲቶ ።

ምዕራፍ ፡ ፩ ፤ ክፍል ፡ ፩ ፤

ጳውሎስ ፡ ገብሩ ፡ ለእግዚአብሔር ፡ ወሐዋርያሁ ፡ ለኢየሱስ ፡ ክርስቲስ ፡ ፩ ፤  
 ቶስ ፡ በከመ ፡ ሃይማኖቶሙ ፡ ለኅሩያኒሁ ፡ ለእግዚአብሔር ፡ ወአእምሮ ፡  
 ጽድቅ ፡ ዘበጽድቁ ፡ ለእግዚአብሔር ። በተስፋ ፡ ሕይወት ፡ ዘለዓለም ፡ ዘአ ፩ ፤  
 ሰፈወ ፡ እግዚአብሔር ፡ ዘኢይሔሱ ፡ እምፍጥረተ ፡ ዓለም ። ወአርአየ ፡ ፫ ፤  
 ቃሎ ፡ በዕድሜሁ ፡ በስብከተ ፡ ዚእነ ፡ ኪያሁ ፡ ወተአመነኒ ፡ ሊተ ፡ ላዕሌ ፬ ፤  
 ሁ ፡ በትእዛዘ ፡ እግዚአብሔር ፡ መድኅኒኒ ። ለቲቶ ፡ ወልድየ ፡ ዘአፈቅር ፡ ፬ ፤  
 በተሳትፎ ፡ በሃይማኖት ፡ ሰላም ፡ ለከ ፡ ወጸጋ ፡ ወሣህል ፡ እምኅበ ፡ እግዚ ፭ ፤  
 አብሔር ፡ አሱነ ፡ ወእግዚእነ ፡ ኢየሱስ ፡ ክርስቶስ ፡ መድኅኒኒ ። እንበይነ ፡  
 ዝንቱ ፡ ኅደጉከ ፡ ውስተ ፡ ቀርጫስ ፡ ከመ ፡ ታስተራትዕ ፡ ዘተርፈ ፡ ወትሢ ፮ ፤  
 ም ፡ ቀሲሳነ ፡ ለአህጉር ፡ በከመ ፡ አዘዝኩከ ። ብእሴ ፡ ዘአሐተ ፡ ብእሴተ ፡ ፯ ፤  
 አውሰበ ፡ ኅሩየ ፡ ዘኢየሐምይዎ ፡ በእኩይ ፡ ዘበ ፡ ውሉድ ፡ መሃይምናን ፡  
 ዘኢያስተዋድይዎሙ ፡ በምርግት ፡ እለ ፡ ኢኮኑ ፡ ዝሉፋነ ፡ እለ ፡ ይትኤዘ ፮ ፤  
 ዙ ። ወርቱዕ ፡ ይሠየም ፡ ጳጳስ ፡ ዘአልቦ ፡ ሐሜት ፡ ዘኢያደሉ ፡ ከመ ፡ መ ፯ ፤  
 ጋቤ ፡ እግዚአብሔር ፡ ዘኢኮነ ፡ መዓትመ ፡ ዘልቡብ ፡ ዘኢያበዝኅ ፡ ሰትየ ፡  
 ወኢያፈጥን ፡ እዴሁ ፡ ለዘቢጥ ፡ ወዘኢያፈቅር ፡ ንዋየ ፡ ከንቶ ። መፍቀሬ ፰ ፤  
 ነግድ ፡ ዘሠናይ ፡ ምግባሩ ፡ ዘያነጽሕ ፡ ርእሶ ፡ ጸድቅ ፡ ወኅር ፡ ወየዋህ ፡ መ ፱ ፤  
 ስተዓግሥ ፡ ዘያነሐሲ ። ዘምሁር ፡ ቃለ ፡ ሃይማኖት ። ዘይክል ፡ ገሥጸ ፡ በ ፲ ፤  
 ትምህርተ ፡ ሕይወት ፡ ወይዘልፎሙ ፡ ለእለ ፡ ይትዋሥኡ ። እስመ ፡ ብዙ ፲ ፤  
 ኃን ፡ እለ ፡ ኢይትኤዘዙ ፡ ወነገሮሙኒ ፡ ከንቱ ፡ ወያስሕትዎሙ ፡ ለጽሉላ ፲፮ ፤  
 ነ ፡ ልብ ። ወፈድፋደሰ ፡ እለ ፡ እምአይሁድ ። እለ ፡ ርቱዕ ፡ ይፍዕምዎሙ ፡ ፲፮ ፤  
 አፋሆሙ ፡ እስመ ፡ እሉ ፡ ይገፈትኡ ፡ አብያተ ፡ ኩሉ ፡ ወይሜህሩ ፡ በዘኢ ፲፮ ፤  
 ይደሉ ፡ በዘይረብሐሙ ፡ ኅሳር ። ወናሁ ፡ ይቤ ፡ አሐዱ ፡ እምኔሆሙ ፡ ነቢ ፲፮ ፤  
 ዮሙ ፡ በእንቲአሆሙ ። እስመ ፡ ሰብአ ፡ ቀርጫስ ፡ መደልዋን ፡ ሐሳውያ ፲፫ ፤  
 ን ፡ ዘልፈ ፡ አራዊት ፡ እኩያን ፡ ከርሠ ፡ መካን ። ወዝንቱ ፡ ስምዕ ፡ እሙ ፲፫ ፤  
 ን ፡ ላዕሌሆሙ ። በእንተ ፡ ዝንቱ ፡ ተዛለፎሙ ፡ ምቱረ ፡ ከመ ፡ ይጠይቁ ፡ ፲፫ ፤  
 በሃይማኖት ። ወኢያምጽኡ ፡ መኃደምተ ፡ ወሥርግተ ፡ ሰብአ ፡ ዘይመይ ፲፱ ፤

፲፮ ፣ ጣ : ለጽድቅ ። ነሱ ፣ ንጹሕ ፣ ለንጹሐን ፣ ወለርኩሳንሰ ፣ እለ ፣ ኢየሱም  
 ፲፯ ፣ ኑ ፣ አልቦሙ ፣ ንጹሕ ፣ ምንትኒ ፣ እስመ ፣ ርኩስ ፣ ሕሊናሆሙ ፣ ወልቦሙ ።  
 የአምኑ ፣ ከመ ፣ ዘያኦምርዎ ፣ ለእግዚአብሔር ፣ ወይክሕድዎ ፣ በምግባር  
 ሙ ፣ ርኩሳን ፣ ወከሓድያን ፣ ወምኑናን ፣ በውስተ ፣ ነሱ ፣ ምግባር ፣ ሠናይ ።

ምዕራፍ ፣ ፪ ፣

፩ ፣ ፲ ፣ ወአንተሰ ፣ ንግር ፣ ዘይደሉ ፣ ለትምህርተ ፣ ሕይወት ። ሊቃውንትኒ ፣  
 ይኩኑ ፣ ንጹሐን ፣ እምዝሙት ፣ ወንቁሃን ፣ ወጠቢባን ። ወኢይናፍቁ ፣ በሃ  
 ፫ ፣ ይማኖት ፣ ይትፋቀሩ ፣ ወይለብዉ ፣ ወይትግገሡ ። ልሂቃትሂ ፣ ከማሁ ፣ ይ  
 ትቀደሳ ፣ ወያሠንያ ፣ ግዕዞን ፣ ኢያስተሐውራ ፣ ነገረ ፣ ወኢይትቀንያ ፣ ለስ  
 ፬ ፣ ቲ ፣ ወኢይሰጠያ ፣ ውስተ ፣ ስካር ፣ ዳእሙ ፣ ይገሥጸ ፣ ወይምሀራ ፣ ሠናየ ፣  
 ፭ ፣ ትምህርተ ፣ ለአንስት ፣ ከመ ፣ ያንጽሓ ፣ ርእሶን ። ወንኩሳትሂ ፣ ያፍቅራ ፣  
 ፮ ፣ አምታቲሆን ፣ ወውሉዶን ፣ ኢይዘምዎ ፣ ወይግብራ ፣ ሠናየ ፣ ወያሠንያ ፣  
 ፯ ፣ ግዕዞን ፣ ወሥርዓተ ፣ ቤቶን ፣ ወይትአዘዛ ፣ ለአምታቲሆን ፣ ከመ ፣ ኢይፅ  
 ፲ ፣ ርፍ ፣ አሐዳሂ ፣ ላዕለ ፣ ቃለ ፣ እግዚአብሔር ፣ ወለወራዙትኒ ፣ ገሥጸሙ ፣  
 ፫ ፣ ያንጽሑ ፣ ርእሶሙ ፣ ወይኩኑ ፣ ጠቢባን ። ወኩኖሙ ፣ አርአያ ፣ ለነሱሙ ፣  
 ፬ ፣ በምግባር ፣ ሠናይ ፣ ወይኩን ፣ ነገርከ ፣ ወትምህርትከ ፣ በንጹሕ ። በሥሩ  
 ፭ ፣ ፅ ፣ ነገር ፣ ዘአልቦ ፣ ነውር ፣ ዘኢይሚንኖ ፣ አሐዳኒ ፣ ከመ ፣ ይትኅፈር ፣ ጸላ  
 ፮ ፣ ኢ ፣ ወይኅጣእ ፣ ዘይነብብ ፣ ላዕሌን ፣ ሕሡመ ። ክፍል ፣ ፪ ፣ ነባሪኒ ፣ ይትአ  
 ፲ ፣ ዘዙ ፣ ለአጋእዝቲሆሙ ፣ ወያሥምርዎሙ ፣ በነሱ ፣ ወኢይቅስጡ ፣ ወኢ  
 ፫ ፣ ይትዋሥኡ ፣ በነሱ ። አላ ፣ ያሠንዩ ፣ በንጹሕ ፣ ሃይማኖቶሙ ፣ ከመ ፣ ይን  
 ፬ ፣ አድዎ ፣ በነሱሂ ፣ ለትምህርተ ፣ እግዚአብሔር ፣ መድኅኒን ። እስመ ፣ ተዐ  
 ፮ ፣ ውቀ ፣ ጸጋሁ ፣ ለእግዚአብሔር ፣ በኅበ ፣ ነሱ ፣ ሰብእ ። ወትሜሀረን ፣ ከ  
 ፯ ፣ መ ፣ ንትናከራ ፣ ለኃጢአት ፣ ወለፍትወተ ፣ ዓለም ፣ ወንሕየው ፣ በጽድቅ ፣  
 ፪ ፣ ወበንጽሕ ፣ ወበተፋቅር ፣ በዝንቱ ፣ ዓለም ። እንዘ ፣ ንሴፍ ፣ አብፅዎ ፣ ወም  
 ፫ ፣ ጽአተ ፣ ስብሐቲሁ ፣ ለአምላክን ፣ ዐቢይ ፣ ወመድኅኒን ፣ ኢየሱስ ፣ ክርስ  
 ፬ ፣ ቶስ ። ዘመጠወ ፣ ርእሶ ፣ በእንቲአን ፣ ከመ ፣ ይቤዝወን ፣ እምኃጢአት ፣ ወ  
 ፮ ፣ ያንጽሕ ፣ ሎቱ ፣ ሕዝቦ ፣ ሐዲሰ ፣ ዘይትቀኅው ፣ በምግባር ፣ ሠናይ ። ከመ  
 ፯ ፣ ዝ ፣ ንግር ፣ ወገሥጽ ፣ ወተዛለፍ ፣ እንዘ ፣ ታቴሕት ፣ ርእሰከ ፣ ለነሱ ፣ ወአ  
 ፪ ፣ ልቦ ፣ ዘያስሕትከ ።

ምዕራፍ : ፫

ዘክሮሙ : ለቀደምት : ወለመኳንንት : ከመ : ይትአዘዙ : በኩሉ : ፳፩  
 ምግባረ : ሠናይ : ወይኩኑ : ጥቡዓነ : ቦቱ :: ወኢይትቁጥፀ : ወኢይትጋ  
 አዙ : አላ : መሓርያነ : የዋሃነ : ይኩኑ : ምስለ : ኩሉ : ሰብእ :: እስመ : ን ፳፪  
 ሕነሂ : ትካት : አበድነ : ዘእንበለ : አእምሮ : ወክሕድነ : ወስሕትነ : ወተ  
 ቀነይነ : ለፍትወት : ወለሐውዝ : ዘዘዘአሁ :: ወተለውነ : እኩየ : ወተቃ  
 ንአ : ወአሕሠምነ : ወጸላእነ : ቢጸነ :: ወአመ : አስተርአየ : ምሕረቱ : ለ ፳፫  
 እግዚአብሔር : መፍቀሬ : ሰብእ : መድኅኒነ :: አክ : በምግባረ : ጽድቅነ : ፳፬  
 ዳእሙ : በምሕረቱ : አድኅነነ : በጥምቀተ : ዳግም : ልደት : ወተሐድሶ :  
 በመንፈስ : ቅዱስ :: ዘሶጠ : ላዕሌነ : በብዕሉ : በእንተ : ኢየሱስ : ክርስ ፳፭  
 ቶስ : መድኅኒነ :: ከመ : ንጽደቅ : በጸጋሁ : ወንረስ : ተስፋ : ሕይወት : ፳፮  
 ዘለዓለም :: እሙን : ነገር : ወበእንተዝ : እፈቅድ : ታጽንዖሙ : ከመ : የ ፳፯  
 ሐልዩ : ተራድአ : ምግባረ : ሠናይ : እለ : ተአመኑ : በእግዚአብሔር :: ዝ ፳፰  
 ንቱኬ : ሠናይ : ዘይበቀዖ : ለሰብእ :: ነገረ : ጋእዝ : ወእበድ : ዘይፈጥሩ : ፳፱  
 ወመኃደምት : ወወካሕ : ተገሐሦሙ : እስመ : ከንቱ : ውእቱ : ወኢይበ ፳፲  
 ቀዕ :: ለመስተኅሕድ : ብእሲ : እምከመ : ምዕረ : ወካዕበ : ገሠጽከ : ወአ ፳፲፩  
 በየ : ኅድኅ :: ወአእምሮ : ከመ : ዐላዊ : ውእቱ : ዘከማሁ : ወያስሕት : ወ ፳፲፪  
 ያጌጊ : ወይረክብ : ኩነኔ :: ወእምከመ : ፈነውክዎ : ለአርጢሞን : ኅቤክ : ፳፲፫  
 አው : ቲኪቆስ : ፍጡነ : ነዓ : ኅቤየ : ሀገረ : ኒቆጵልዮን : እስመ : አጥባ ፳፲፬  
 ዕኩ : እክረም : ህየ :: ለዜናስ : ጸሓፌ : ሀገር : ወአጽሎስ : ጽሁቀ : ፈንዎ ፳፲፭  
 ሙ : ኢይጸነሱ : ምንተኒ :: ወእሊአነሂ : ይትመሀሩ : ምግባረ : ሠናየ : በ ፳፲፮  
 ዘይቀውሙ : ውስተ : ዘይትፈቀድ : ግብር : ከመ : ኢይኅጥኡ : ፍሬ :: አ ፳፲፯  
 ምኑክ : ኩሎሙ : እለ : ምስሌየ :: አምኅ : ኩሎ : ዘያፈቅረነ : በሃይማኖ  
 ት :: ጸጋ : የሀሉ : ምስለ : ኩልክሙ : አሜን ::

ተፈጸመ : መልእክት : ኅበ : ቲቶ :: ወተጽሕፈ : በሀገረ : ኒቆጵልዮን : ወ  
 ተፈነወ : ምስለ : አርጣ : ረድኡ ::



መልእክተ ፡ ጳውሎስ ፡ ኅበ ፡ ፊልሞና ።

ኘ ፡ ጳውሎስ ፡ ሙቁሑ ፡ ለኢየሱስ ፡ ክርስቶስ ፡ ወጠሞቴዎስ ፡ እኅነ ፡  
 ለፊልሞና ፡ ዘናፈቅር ፡ ዘዩኅብር ፡ ግብረ ፡ ምስሌነ ፡ ወለአፍብያ ፡ እኅትነ ።  
 ፍ ፡ ወለአርክጳ ፡ ዘይገብር ፡ ምስሌነ ፡ ወለእለ ፡ ምስሌሆሙ ፡ እለ ፡ ውስተ ፡ ቤ  
 ዩ ፡ ተ ፡ ክርስቲያን ። ሰላም ፡ ለክሙ ፡ ወጸጋ ፡ እግዚአብሔር ፡ አቡነ ፡ ወእግ  
 ቆ ፡ ዚእነ ፡ ኢየሱስ ፡ ክርስቶስ ። አኣኩቶ ፡ ለአምላክዩ ፡ ዘልፈ ፡ ወእዜከረከ ፡  
 ጌ ፡ በጸሎትዩ ። ሰሚዕዩ ፡ ሃይማኖተከ ፡ ወፍቅረከ ፡ ዘበእግዚእነ ፡ ኢየሱስ ፡ ክ  
 ኛ ፡ ርስቶስ ፡ ወዘኩሎሙ ፡ ቅዱሳን ። ከመ ፡ ጽኑዐ ፡ ይኩን ፡ ሱታፌ ፡ ሃይማኖ  
 ትከ ፡ በምግባረ ፡ ሠናይ ፡ ወበአእምሮ ፡ ኩሉ ፡ ሠናይ ፡ ዘበኢየሱስ ፡ ክርስ  
 ጌ ፡ ቶስ ። ተፈሣሕኩ ፡ ወተሐሠይኩ ፡ በእንተ ፡ ተፋቅሮትከ ፡ እስመ ፡ አዕረፈ  
 ጌ ፡ ት ፡ ነፍሶሙ ፡ ለቅዱሳን ፡ በኅቤከ ፡ እኅዩ ። ወብዩ ፡ በእንተ ፡ ዝንቱ ፡ ሞገ  
 ዘ ፡ ስ ፡ ዐቢይ ፡ በክርስቶስ ፡ ከመ ፡ አኣዝዝከ ፡ ትእዛዘ ፡ ጽድቅ ። ወፈድፋደ  
 ሰ ፡ በተፋቅሮ ፡ አስተባብሶከ ፡ አስተባብሶሆተ ፡ አነ ፡ ጳውሎስ ፡ እስመ ፡  
 ልሂቅ ፡ አነ ፡ ዘከመ ፡ ታአምር ፡ ወይእዜ ፡ ዓዲ ፡ ሙቁሑ ፡ ለኢየሱስ ፡ ክ  
 ጰ ፡ ርስቶስ ። አነ ፡ አስተባብሶከ ፡ በእንተ ፡ ወልድዩ ፡ ዘወለድኩ ፡ በመዋቅሕ  
 ጰ፫ ፡ ትዩ ፡ አናሲሞስ ። ዘቀዲሙ ፡ ኢበብሶከ ፡ ወይእዜሰ ፡ ለከሂ ፡ ወሊተሂ ፡  
 ጰ፫ ፡ ባብሶ ፡ ጥቀ ። ወናሁ ፡ ፈነውክዎ ፡ ኅቤከ ። ተወከፎ ፡ ከመ ፡ ወልድዩ ።  
 ጰ፫ ፡ ወፈቀድኩሰ ፡ አንብሮ ፡ ኅቤዩ ፡ ከመ ፡ ይትለአከኒ ፡ ህዩንቴከ ፡ በመዋቅሕ  
 ጰ፫ ፡ ተ ፡ ወንጌል ። ወኢፈቀድኩ ፡ ምንተኒ ፡ እግብር ፡ ዘእንበለ ፡ ታአምር ፡ ከ  
 ጰ፫ ፡ መ ፡ ኢይኩን ፡ በአገብሮ ፡ ሠናይትከ ፡ ዳእሙ ፡ በፈቃድ ፡ ልብከ ። ወዮጊ ፡  
 ጰ፫ ፡ በበይነ ፡ ዝንቱ ፡ ኅደገከ ፡ ለሰዓት ፡ ከመ ፡ ይኩንከ ፡ ለዓለም ። አኮ ፡ እንከ ፡  
 ከመ ፡ ገብር ፡ አላ ፡ ዘይኔይስ ፡ እምገብር ። እመሰ ፡ ከነ ፡ ሊተ ፡ እኅዩ ፡ እ  
 ጰ፫ ፡ ፎ ፡ ፈድፋደ ፡ ይኔይስ ፡ በኅቤከ ፡ በሥጋሁኒ ፡ ወበእግዚእነሂ ። ወእመሰ ፡  
 ጰ፫ ፡ እኅዩ ፡ አንተ ፡ ተወከፎ ፡ ከማዩ ። ወእመሂቦ ፡ ዘአበሰ ፡ ለከ ፡ አው ፡ እመ  
 ጰ፫ ፡ ቦ ፡ ዘይፈድዩከ ፡ ላዕሌዩ ፡ ረሲ ። አነ ፡ ጳውሎስ ፡ ጸሐፍኩ ፡ በእዴዩ ፡ አነ ፡  
 እፈዲ ፡ በእንቲአሁ ። ከመ ፡ ኢይበልከ ፡ ርእሰከኒ ፡ ትመጡ ፡ ይደልወኒ ።  
 ፍ ፡ እው ፡ እኅዩ ፡ እትፈሣሕ ፡ ብከ ፡ በእግዚእነ ። አዕርፋ ፡ ለነፍሰዩ ፡ በክርስቶ

ስ ። ወተአሚንዩ ፡ በተአገዘትከ ፡ ጸሐፍኩ ፡ ለከ ፡ አእሚርዩ ፡ ከመ ፡ ትወ ፡ ፳፩ ፤  
 ስክ ፡ እምዘ ፡ አዘዝኩክ ። ወምስለ ፡ ዝኒ ፡ አስተደሉ ፡ ሊተ ፡ ማኅደረ ፡ እስ ፡ ፳፪ ፤  
 መ ፡ እትአመን ፡ በጸሎትክሙ ፡ ከመ ፡ ይሠርሐኒ ፡ እግዚአብሔር ፡ ወይጸ  
 ግወኒ ፡ ኪያክሙ ። አምኅከ ፡ ኤጳፍራስ ፡ ዘተዔወወ ፡ ምስሌዩ ፡ በኢየሱስ ፡ ፳፫ ፤  
 ክርስቶስ ፡ ወማርቆስ ፡ ወአርስጦርኮስ ፡ ወዴማስ ፡ ወሉቃስ ፡ እለ ፡ ነኅብ ፡ ፳፬ ፤  
 ር ፡ ግብረ ፡ ጸጋሁ ፡ ለእግዚእነ ፡ ኢየሱስ ፡ ክርስቶስ ፡ ምስለ ፡ መንፈስክ ፡ ፳፭ ፤  
 ሙ ፡ አሜን ።

ተፈጸመ ፡ መልእክት ፡ ኅብ ፡ ፊልሞና ። ወተጽሕፈ ፡ በሮሜ ፡ ወተፈነወ ፡  
 ምስለ ፡ አናሲሞስ ። ።